



Digitized by the Internet Archive
in 2018 with funding from
Getty Research Institute

DE ARCHITECTVRA,
IACOBI ANDROVETII
du Cerceau, Opus.

descriptæ sunt ædificiorum quinquaginta planè dissimilium ichnographiæ, in omnium non
sodò potentiorum, sed etiam mediocrium & tenuiorum gratiâ, quos ædificandi studium oble-
tat: Adiunctâ vsus & commoditatis in habitationibus singulis expositione, vnâ cum integra cu-
isq; ædificij dimensione.

hic accedit brevis explicatio de structurarum, quibus ædificia constant, dimensione per orgyiam,
que Gallica est architectorum mensura, sex longa pedes: Quâ certè methodo nemo non ædificia
quævis metiri, & futuri in ædificando sumptus rationem secum inire poterit. *calamus curuatus*

ma d'auant
ed & ipsa cuiusque ædificij ichnographiâ, velut paradiigmate & archetypo quodam, non solum
cæmentarij ac tignarij fabri, aliique id genus opifices, verum etiam quicunque describendis rerum
imaginibus delectantur, de apta ædificij cuiuslibet descriptione præclare admonetur. Ex quo fru-
ctum non mediocrem pari voluptate coniunctum capere licet.

Manabito de Amago
En da Villa
LVTETIÆ PARISIORVM,

1559.



*E topographia Benedicti Perotti ad clausum Brunellini
via Frenmentella, sub stella aurea 1559*

Orgyia Gallica diuiditur in pe-
des sex: pedis autem hîc adno-
tati magnitudo pollices conti-
net duodecim: pollex verò line-
as item duodecim,

HENRICO GALLIARVM

Regi Christianiss.



ANTVS fuit olim tuus in me fauor, Henrice Rex Christianiss. vt dignatus sis horas aliquot collocare in perspiciendis & contemplandis ædium tum sacrarum tum profanarum ichnographiis, leuiore operâ iam pridem à me excogitatis, & in ære exaratis: quâ quidem ex re cum voluptatis nonnihil cepisse te, vt videbatur, animaduverterem, tanto sum repenti studio incensus, vt de grauiore eiusdem generis opere tibi consecrando iam tum cogitare cœperim, quod & tibi oblectamento, & subditis tuis commodo ac vtilitati foret. Verum id negotij seriùs quàm pro voto perficere cœgerunt occupationes aliæ, & rerum domesticarum curæ, cum succisuis tantum horis in hoc studium incumbere liceret. Absolui tamen, & ita absolui, vt recens excogitârim, sculpsim, ac typis expressim selectas quinquaginta ædificiorum ichnographias, non modò in principum & potentiorum, sed etiam mediocrium & tenuiorum gratiam: vt scilicet ex tam variâ & dissimili ædificiorum multitudine, quod quisque pro suis facultatibus probauerit, deligat & amplectatur. Atque id eò etiam valebit, vt magis magisque decoretur ac exornetur tuum hoc florentissimum regnum, quod tam præclaris & sumptuosis ædificiis in dies illustrari omnes mirantur, vt nihil posthac sit causæ cur tua Gallia ab exteris & peregrinis artificum ac venustatem in ædificando petat ac mutuetur: præsertim cum ea res tantæ tibi voluptati semper fuerit, vt præstantissimos quosque tuæ ipsius ditionis architectos fouere magnisque stipendiis donare dignatus sis. In quorum postremis quanquam me esse scio, ausus sum tamen id, quantuluncunq; est, mei laboris monumentum tuæ maiestati consecrare: quod si tam gratum tibi fuerit, quàm pio à me animo tuæ offertur maiestati, dici vix poterit, quàm acres mihi stimulos ad hanc artem pro viribus excolendam addideris.

LECTORI.



VM diuina factum sit prouidentia, vt mortalium quisque di-
steritate sollicitus, eius artis quam excoluit, eorumque studiorum
in quibus exquisitè versatus est, pro viribus ingenij monumenta re-
linquere cupiat, quò nimirum vel nascentium artium constituân-
tur initia, vel ipsæ iam natæ adolecant, virésque & incrementum
capiant, aut certè magis ac magis confirmetur & stabiliantur, vel
denique vt consopitæ excitentur, atque per varios annorum circui-
tus tanquam ab inferis denuò reuocentur: putauì equidem aliquid
mihi de ea arte & scribendum & emittendum esse, in quâ multos
iam annos præ cæteris summa cum voluptate exerceor. Quamuis
enim id totum non sit eiusmodi, ex quo tantum utilitatis capi pos-
sit, vt cum grauioribus scientiis vel utilitatis magnitudine, vel excellenti præstantia sit conferendum:
id tamè eò pertinet, quò duce natura non modò homines ipsi, sed etiã cæteræ animâtes impelluntur,
quæ dum latibula inquirunt & parant, suo certè exemplo omnes admonent vt tecta extruant, qui-
bus & frigorum vis pellatur, & calorum molestiæ sedentur. Quamobrem ad cæteras meas lucubra-
tiones iam olim in lucem editas, hoc etiam muneris adiungere placuit, quo quinquaginta varij ge-
neris ædificia complexus sum, factò scilicet in tenuiorum gratiam à leuioribus & vilioribus initio,
ad splendidiora pro cuiusque facultatibus sensim progrediens. Qua quidem in re eam adhibui dili-
gentiam, vt habitationum in singulis ædificiis commoditates suis descriptæ sint ichnographiis, alti-
tudines orthographiis, interiora verò ædium scenographiis. Meum autem erat consilium, membro-
rum descriptionem, ordinem, & commoditatem, adeo etiam orgyiarum multitudinem, quibus
membri cuiusque structura constaret, sigillatim verbis explicare, vt qui nostro illo labore frui vel-
lent, sumptuum omnium rationem facilius inirèt, quos in ædificando facerent: cum ita ferè cõpara-
tum sit, vt impensæ cæteræ fabrilium cuiusque generis operum, quæ ad ædificij perfectionem re-
quiruntur, structuræ sumptibus vbique locorum respondeant. Sed cum animaduernerem explica-
tionem eiusmodi exercitatis in hac arte hominibus inuisam & iniucundam fore, & tamen rudio-
rum intelligentiæ consulendum arbitrarer, operæpretium me facturum putauì, si prætermissa sub-
tiliore illa declaratione præcipua tâtum cuiusque ædificij capita breuiter & summatim exponerem,
adnotatis ad quamlibet ichnographiam areis, tricliniis, cubiculis, vestiariis, ambulationibus, aliis-
que singulorum ædificiorum partibus, adscripto præterea integro orgyiarum numero, quibus to-
tius ædificij substructio constabit: id quod perspici faciliè poterit, adhibito ad contractam orgyiam
in singulis ichnographiis deliniatam circino, & per omnes ædificii partes circumducto. Huius verò
orgyæ (quæ Gallica architectorum mensura est) rationem breuiter explicandam censui, primique
ædificij dimensionem sigillatim enucleandam, vt vel hoc exemplo mediocriter in metiendi & sup-
putandi doctrina versati homines, cætera ædificia ex ipsis ichnographiis metiri queant, ipsamque
Gallicam architectorum mensuram ad omnes alias quoruncunque locorum mensuras reuocare: Id
quod ædificaturis adprimè conducit, vt antequam ad ædificandum aggrediantur, futuri in eam rem
sumptus modum præuideant, & perficiendi ædificij rationem prospiciant: cum hac vnâ culpâ pleri-
que non parum se deceptos senserint.

APPLICATIO GALLICAE ARCHITECTORUM mensuræ, quam (la toise) nominant.



A TOISE] Gallica architectorum mensura est, sex longa pedes, unde Hexapus vel Orgyia Græcè, Latine verò Passus dici potest: huius mensuræ semis trium est pedum: triens, pedum duorum: quadrans verò, sesquipedis: sextans verò, pedis vnus.

Pes in duodecim pollices distribuitur, quorum singuli lineas duodecim in longum continent: quanquam pollex quilibet in viginti-quatuor semilineas, aliàsve particulas exiliores diuidi potest. Quam obrem dimidiati pedis longitudo in sex patet pollices: quadrantis verò, in tres: semiquadrantis, in sesquipollicem. Atque hæc paucula de longitudine satis.

DE ORGYIA QVADRATA.

VT in superficie qualibet orgyiam quadratam metiamur, meminisse decet orgyiam ipsam in se se duci, pro superficie longitudine ac latitudine, ita vt longitudinis orgyia in orgyiam latitudinis ducta quadratam procreet orgyiam, cuius amplitudo in sex & triginta pedes patet: siquidem sex pedes per sex alios pedes multiplicati, triginta sex producunt pedes.

Eodem prorsus modo pes, cuius longitudo est pollicum duodecim, in se ductus, pedem quadratum efficit, ceterum quadraginta quatuor pollicum: quoniam ductis duodecim pollicibus in pollices duodecim, nascitur idem numerus centum quadraginta quatuor pollicum.

Ergo quadrata orgyia pedum est triginta sex: semis, octodecim: triens, duodecim: quadrans verò, nouem. Potest etiam diuidi in semiquadrantes octo, quorum quilibet quatuor est pedum quadratorum cum semisse. Potest denique in minores particulas, quarum in architectura frequens non est vsus, vt de hac partitione plura mihi dicenda non putem.

Præterea quadrati pedis, qui centum quadraginta quatuor pollices complectitur, dimidium septuaginta duorum est pollicum: triens, quadraginta octo: quadrans, triginta sex: & quadrantis dimidium, octodecim.

Eadem ratione quadraginta octo pollices trientem pedis quadrati efficiunt: viginti quatuor autem, trientis dimidium complent.

Pollicis quoque dimidium sex continet lineas: triens verò, quatuor: quadrans, tres. Sunt & aliæ minores pollicis particulae, quæ in architecturæ dimensionem rarò incidunt.

Ex his ergo, quæ supra diximus, perspicui potest, longitudinis orgyiam in orgyiam latitudinis ductam, quadratam modò orgyiam procreare: orgyia verò dimidium in orgyiam integram, quadratæ orgyia dimidium efficere: orgyia trientem in orgyiam integram, quadratæ orgyia trientem: quadrantem verò in orgyiam totam, quadratam producere. Ex quibus efficitur, vt ex orgyia ductu in orgyias, nascatur orgyia integra: veluti, exempli gratiâ, Sex orgyia longitudinis in quatuor latitudinis ductæ, orgyias viginti quatuor procreant: pedes verò in orgyias ducti, pedes solum gignunt, quorum sex & triginta (vt antè diximus) orgyiam constituunt quadratam: octodecim verò, dimidium orgyia: duodecim, trientem: nouem denique, quadrantem.

Ad hæc etiam pedes in pedes ducti, pedum numerum efficiunt: vt pedes decem in alios decem pedes ducti, pedes centum procreant, quorum triginta sex orgyiam quadratam complent.

Quòd si pollices in orgyiam ducas, vt pollices sex in orgyiam vnâ, cogitandum est sex pollices semipedem efficere: unde sequitur ex ductu ipsorum sex pedum in orgyiam vnâ nasci tres pedes: siquidem pes vnus in orgyiam vnâ ductus sex pedes creat, siue sextam orgyia quadratæ partem. Quare ex semipedis ductu in orgyiam, nascuntur tres pedes, qui duodecimam partem orgyia quadratæ constituunt.

Eodem prorsus modo ex pollicum ductu in pollices, fiunt pollices: vt, Sex pollices in alios sex ducti, triginta sex creant pollices, qui pedis quadrati quadrantem efficiunt: siquidem quater triginta sex, centum quadraginta quatuor pariunt pollicem, quæ est pedis quadrati mensura.

Non absimili ratione duci possunt lineæ in pollices atque pedes: id quod superiorum c. tam facile est, vt longam explicationem non requirat, cùm præsertim tam exiles particulæ ei di in architecturæ dimensionem, in cuius gratiam hæc prælibanda censui, rarò incidant.

DE ORGYIA CVBICA.

IN solidorum dimensione, cuiusmodi sunt fossæ, putei, hypogææ cellæ, & alia id genus, spectanda est ipsorum altitudo, latitudo, & crassitudo, siue profunditas: vt, si positum sit singula lapidis cubici latera sex contineri pedibus, dubium nemini esse potest, quin totus ipse lapis cubicam orgyiam complectatur, quòd sex longitudinis pedes in totidem latitudinis pedes ducti, triginta sex efficiant pedes: quibus sexies pro crassitudinis modo congestis, ducenti sedecim nascuntur pedes, qui solidam cubici ipsius lapidis amplitudinem definiunt. Quòd si ad cubicas orgyias accedat vel pedes aliquot vel pollices, hi ad easdem orgyias, pedes ac pollices addendi erunt, quemadmodum in quadrata orgyia, adiunctâ semper, vt explicatum est, profunditatis mensurâ.

Illud quoque lectorem monitum volo, Lutetiæ Parisiorum id moris esse, vt duæ contignationum & parietum intergerinorum seu cratitiorum orgyia pro vna muri solidi orgyia habeantur: quòd ipsarum contignationum & parietum intergerinorum parua sit crassitudo, nec minor ferè sit in his trabium & lignorum, quàm cæmentorum & lapidum copia. Quòd si contignationis area cocto latere sternatur, tum huius dimensio à solidi muri dimensione nihil discrepat. Eadem est intergerini parietis ratio, vbi interiecta trabibus structura testacea fuerit, quòd scilicet lateris cocti magnum sit pretium. De gypsata coquinæ areâ ita statuendum est: tres videlicet ipsius orgyias duabus solidi muri orgyias æquipollere. Quòd si duro lapide strata sit, singulæ orgyia pro solidi muri sesquiorgyia Lutetiæ habentur.

Quod ad tectorium spectat, quo vetus paries inducitur, illud Lutetiæ in more positum obseruatur, vt tres ipsius tectorij orgyia pro vna muri orgyia habeantur, dummodò tectorij crassitudo trium sit pollicum.

Adiectitij muri (hos contramuros appellant) pro muris solidis in dimensionem cadunt, dummodò pedis vnus crassitudine constent. Nam si minor fuerit crassitudo, vt sex pollicum, tum orgyia duæ pro vna censentur.

In murorum dimensione, ostiorum, ianuarum, & fenestrarum hiatus siue aperturæ nunquam deducuntur, in opere intestino deducuntur.

De columnarum, epistyliorum, zophorum, coronicum, & aliorum id genus ornamentorum, quæ ædificiis tum extrinsecus tum intrinsecus adhiberi solent, dimensione illud præcipiendum puto, coronicem pro semiorgyia in sui longitudinem ductâ haberi: zophorum dimidio minoris censi: reliqua verò pro ornamentorum ratione. Atque hîc meminisse decet pleraque alia Lutetiæ obseruari, quæ à moribus aliarum vel ipsius Galliæ prouinciarum non parum differât. Tametsi Regio nuper edicto omnes aliarum ciuitatum consuetudines sublata sint & abrogata, cautumque vt omnes omnium substructionum dimensiones ad muri solidi rationem reuocentur, demptis tamen intergerinis parietibus, contignationibus, & aliis operibus intestinis, quorum orgyia duæ pro vna censentur: atque vt ne coronicum, zophorum, aliorumque id genus ornamentorum siue emblematum dimensiones ad muri rationem exigantur, sed illa omnia vulgari artificio elaborata ædificiis adiungere cæmentarij fabri ipso iure astringantur: quòd si ædium domini vulgari artificio minimè contenti, maiorem in ipsis ornamentis splendorem & venustatem requirant, de eo separatim cum architecto paciscantur. Ego igitur & Regis edictum sequutus, & Galliæ cōsuetudinem, quæ latius manaret, Regi quoque edicto consentiret, censui instituendam orgyia simplici ædificiorum dimensionem, citra vllum ornamentorum à muro solido discrimen, vt ista cuiusque arbitrio relinquantur. Habetis ergo quæ de dimetienda apud Gallos ratione dicenda putauì, quæque & ad faciliorem huius operis intelligentiam, & in communem Reipublicæ vsum quantâ potui breuitate perstrinxi.

Vt igitur cuiusque tum ichnographiæ tum orthographiæ dimensio rectè instituatur & perficiatur, singularum partium & contignationum cuiusque ædificij longitudines, latitudines & altitudines spectandæ sunt. Id quod facile consequeris, adhibito nimirum ad contractam orgyiam cuiuslibet ichnographiæ adscriptam circino. Sic enim pro orgyia quantitate diducto circino ædificij cuiusque longitudines & latitudines in ipsa ichnographia dimetieris, murorum verò altitudines ex eiusdem ædificij

ri orthographia colliges. Cuius quidem rei exemplum repetam à particulari primi ædificij
ensione.

I.

Primum ædificium ita comparatum est, ut eius latitudo orgyias undecim in fronte pateat, orgyias
verò quatuor pedesque totidem profunditas, orgyias denique septem altitudo, ab imis scilicet
fundamenti ad parietes summos, quarum duæ foundationi atque cellæ vinariæ profunditati debentur,
reliquæ verò quinque tribus habitationibus supra terram extantibus, quarum suprema infimas
tecti partes parietum loco accipit, tribuuntur.

Prima habitatio, quæ è terrâ extat, decem pedibus sub trabes attollitur, itione media ingressum in
ædes præbente, collocato ad alterum quidem latus cubiculo & vestiario, ad alterum verò culinâ, &
cellâ penariâ sub rectæ itionis scalis.

Superior habitatio pedes duodecim sub trabes elata, triclinio, conclavi, cubiculo, vestiario, & alte-
ro conclavi distinguitur, ita tamen ut conclave utrumque membris contineatur duobus tentorio-
rum more fastigiatis, quæ in aream proiecta ad duo ædificij extrema adiunguntur.

Suprema habitatio, quæ infimas tecti partes parietum loco accipit, paribus describitur, quibus in-
ferior habitatio, partibus. Porro huc accedunt camini sex, & hypogeï fornices duo condendis vini
doliis utiles, quorum eadem est, quæ totius ædificij, longitudo.

Cæterum totius ædificij substructio, demptis latrinis, quæ in area constitui possunt, orgyiarum est
quingentarum triginta novem & sedecim pedum, quemadmodum ex particulari, quæ sequitur, di-
mensione perspicere facile potest.

Primum enim parietes duo, quorum alter à fronte, alter à tergo, singuli orgyias undecim in lon-
gitudinem patent, in altitudinem verò septem, connumeratis videlicet pedibus undecim, qui fun-
dationi debentur. Ex quo ratiocinanti facile colligitur, utriusque parietis dimensionem orgyias sep-
tem & septuaginta continere: ita ut ambo simul parietes centum quinquaginta quatuor orgyias
complectantur.

Reliqui duo parietes, qui ad ædificij latera consistunt, sub triquetros vertices, continent singuli la-
titudinis orgyias quatuor, altitudinis verò septem, deductis ipsorum parietum extremitatibus, qui-
bus cum antedictis duobus agglutinati cohærent. Hinc colliges utriusque parietis dimensionem or-
gyiarum esse viginti octo, cum quater septem tantum efficiant. Quare amborum simul dimensio
orgyiarum est quinquaginta sex.

Sed triquetri horum parietum vertices supra quadrilateram structurâ attolluntur singuli orgyiam
vnam & pedes quatuor: quæ altitudo in orgyias quatuor latitudinis ducta, singulis verticibus tres or-
gyias & pedes duodecim attribuit: ita ut amborum dimensio orgyiarum sit sex & semissis cum sex
pedibus.

Duo muri transversæ scalas rectæ itionis utrinque concludentes, ab imis cellæ vinariæ fundamen-
tis ad primam contignationem erecti, altitudinem habebunt singuli orgyiarum trium pedumque
quatuor, latitudinem verò orgyiarum quatuor, ita ut singulorum dimensio orgyiarum sit quatuor-
decim semis, cum sex pedibus: amborum verò simul, viginti novem orgyiarum & pedum duodecim.

Medius autem murus cellam vinariam bipertito dispescens, orgyias novem in longitudinem pa-
tebit, deducto rectarum scalarum transitu inter duos parietes transversos medio: pedes verò unde-
cim in altitudinem assurget, deducta ipsius fornices crassitudine. Vnde colligetur ipsius muri di-
mensio orgyiarum sedecim cum semisse.

Rectus in cellam vinariam descensus latitudinem habebit pedum quatuor, decem verò pedum
altitudinem: sed graduum singulorum altitudo sex erit pollicum, novem verò latitudo. Itaque di-
mensio tota orgyiarum erit duarum semis cum pedibus decem.

Primorum, id est, infimorum graduum fundatio pedes duodecim sibi vendicat.

Sed murus, qui cochlides cellæ vinariæ scalas in orbem cingit, pedes duodecim latitudinis, siue
maius peripheriæ, continet: altitudinis verò, pedes totidem: hinc nascuntur orgyia quatuor.

Earundem scalarum gradus, scapus, & subiecta gradibus anfractuosa structura pedes decem in des-
censum patent, tres verò in latum: ita ut graduum altitudo trium sit pedum & pollicum sex, eorum-
que latitudo sex aut septem pollicum. Quare tota scalarum dimensio, connumeratâ fundatione, or-
gyiarum est duarum.

Oblongus vtriusque cellæ vinariæ fornix orgyias decem duosque pedes in longitudinem p. quindecim verò pedes in peripheriam, ex quibus nascuntur orgyia vigintiquinque & semiorg cum pedibus decem. Quamobrem fornices ambo orgyias vnam & quinquaginta cum semio. & pedibus sex complectuntur.

Eiusdem cubiculi, vestiarij, itionis, & culinæ area longitudinem habet orgyiarum decem duorumque pedum, orgyiarum verò quatuor latitudinem: vnde nascuntur orgyia vna & quadraginta pedesque duodecim, de quibus deducendæ sunt orgyia quatuor totidemque pedes, tum pro transuersorum murorum crassitudine, tum pro rectorum scalarum descensu, cochlidum transitu, & vtriusque camini area, ita vt reliqui summa orgyiarum sit triginta septem & octo pedum, quarum ternæ cum binis murorum orgyias respondeant, orgyie viginti quatuor semis cum pedibus vndecim fiunt.

Porro structura interior, quæ camini vtriusque focus in cubiculo & culina continet, fumumque & fuliginem cohibet, orgyiarum erit quatuor. Quare vtriusque simul camini structura eiusmodi interior orgyiarum erit octo.

Vtriusque camini tum focus, tum murus adiectitijs, cui ligna apponuntur, in singulis quidem caminis pedum triginta fuerit: in ambobus verò simul, orgyia vnus cum semiorgyia & sex pedibus.

Eorundem caminorum canales siue gulæ, singuli orgyiarum quinque & semissis altitudinem habere poterunt, pedum verò duodecim perimetrum siue ambitum, facta nimirum crassioris cum tenuiori structura compensatione: vnde nascuntur vndecim in canales singulos orgyia, in ambos verò simul, duæ & viginti.

Tres intergerini parietes, qui in primæ habitationis cubiculo, itione, & vestiario, gnomonis orthogonij figuram referunt, simul continent longitudinis orgyias nouem, decemque altitudinis pedes, ita vt duæ orgyia pro vna habeantur: vnde ipsorum parietum dimensio orgyiarum est septem & semiorgyia.

Rectorum scalarum gradus, quibus ab ima habitatione ad primam contignationem ascenditur, positâ videlicet sex pollicum in singulis altitudine, pedis vnus latitudine, quatuorque pedum longitudine, solidi muri orgyias tres cum semiorgyia & pedibus sex complectuntur.

Primæ & infimæ habitationis contignatio orgyias decem pedesque duos in longitudinem patet, orgyias verò quatuor in latitudinem: ex quo nascuntur orgyia duæ & quadraginta, pedesque duodecim. De quibus deducenda est orgyia vna semis cum pedibus duobus, quod tantum spatij & transitui scalarum, & inferiori structuræ focus ambienti (tibiæ camini vulgò nominant) tribuendum sit. Ita relinquuntur orgyia triginta nouem cum semiorgyia & pedibus decem: quæ ad solidi muri orgyias reuocatæ (cum duæ pro singulis censeantur) orgyias nouemdecim & semiorgyiam cum pedibus quatuordecim efficiunt.

Secundæ siue superioris habitationis intergerini parietes ambo orgyias vndecim pedemque vnum in longitudinem patent, in altitudinem verò orgyias duas. Ex quo duæ & viginti orgyia cum pedibus duodecim nascuntur, quæ ad solidi muri orgyias reuocatæ, orgyias vndecim & sex pedes efficiunt.

Scalarum in secunda habitatione gradus, cum subiecta cochleari structura, latitudinis fuerint pedum trium cum semisse, altitudinis verò orgyiarum duarum. Hinc colligitur eorundem graduum (connumeratâ horum & latitudine & altitudine) atque subiectæ gradibus cochlearis structuræ dimensio orgyiarum duarum & semiorgyia cum tribus pedibus.

Duorum simul caminorum, qui in eadem sunt habitatione secundâ, tota interior structura, quæ fumum & fuliginem continet, orgyiarum est octo, cum vtraque separatim orgyiarum sit quatuor.

Vterque simul eorundem caminorum & focus & murus adiectitijs, cui ligna apponuntur, orgyiam vnam cum semisse continet.

Eorundem caminorum vterque simul canalis orgyiarum est quatuordecim.

Supremæ habitationis, quæ infimas tecti partes parietum loco accipit, contignatio inferiori con-

similis, solidi muri orgyias nouemdecim & semiorgyiam cum pedibus quatuordecim complectitur.

Duorum simul caminorum, qui in eadem sunt habitatione suprema, tota interior structura, quæ fumum & fuliginem cohibet, orgyiarum est (vt superiores) octo.

Vterque eorundem caminorum tum focus tum adiectitijs murus (vt superiores alij) orgyia vnus cum semisse.

undem caminorum canales altitudinem consequi poterunt orgyia vnius cum semiorgyia, pæque superioribus aliis perimetrum: ita vt singulorum dimensio orgyiarum sit trium, amborum simul, orgyiarum sex.

Et sique fenestellæ structura, quæ summos parietes superat, orgyiarum fuerit duarum & semior- dimidiata vero fenestellæ orgyiarum duarum: Ita fenestellarum eiusmodi sex, & dimidiata- quatuor simul substructio orgyiarum erit viginti trium.

Quo huius ædificij membra tentoriorum more fastigiata, conclauium siue pinacothecarum v- tum in qualibet habitatione præbentia, orgyias tres in omnem latitudinis & longitudinis dimensio- nem exterius patent: hoc est, in singula latera orgyias singulas: in altitudinem verò orgyias sex, con- numeratâ videlicet vna foundationis orgyia. Hinc nascuntur orgyia octodecim, quæ vni ex his duo- bus membris attribuantur: vtrique verò triginta sex.

Duarum contignationum, quæ in vtroque ipsorum membrorum reperiuntur, area complectitur orgyias duas & semissem, ita vt omnes vtriusque membri areæ simul orgyiarum sint quinque.

Duæ eorundem edificiij membrorum angustiores fenestræ, quæ summos etiam parietes superant, complectentur singulæ orgyiam vnâ, ita vt ambarum simul dimensio orgyiarum sit duarum.

Tota igitur huius ædificij substructio in omnem cuiusque partis dimensionem orgyias patet quin- gentas triginta nouem cum pedibus sedecim.

D x x x i x. or. x v i. p.

Ceterum neque huic superioris ædificij, nec vlli sequentium ædificiorum dimensionem adnume- ratur hypogearum cellarum effossa amplitudo: quoniam plerisque in locis ipse operis redem- ptor, de muri orgyia cum domino pactus, in effossionem eiusmodi obligatur, quâquam sit interdum vt soli dominus id ipsum per seruos leuiore sumptu curari & perfici malit.

Cum autem dissimiles sint omnium ferè regionum atque locorum mensuræ, quæ tamen (vt antea monuimus) ad Gallicas faciliè reuocantur, è re studiosorum fore putavi, si (quemadmodum feci) quibusdam ichnographiis orgyias tres, aliis quatuor, nonnullis etiam sex adnotassem, ea tamen lege vt orgyia singulæ sex pedibus Gallicis definiantur.

Illud quoque obseruari velim, ex ichnographiis nonnullas ita comparatas esse, vt earum dimi- dium infima seu primæ habitationi respondeat, alterum verò dimidium ad superiorem habitatio- nem pertineat, id quod ipsi ichnographiæ adscriptum neminem latere poterit. Verum quoniam id vnum enixè semper studui, vt ex meo labore non tantum mea Gallia, sed etiam omnes exteræ natio- nes aliquem fructum & voluptatem caperent, Latino in primis sermone, qui omnibus ferè est in vsu, to- ta hæc res nobis explicanda visa est: in quo si aut verborum proprietatem, aut sententiarum venusta- tem politior aliquis requirat, sciat in id studij nos vt potuimus incubuisse, quando vt volumus agere non licuit. Ac certè non parum laboris fuit tam nouas, tam inusitatas atque indictas veteribus ædi- siue partes siue particulas suis appellare nominibus: id quod ab omnibus & animaduersum & æqui- boniq; consultum cupio. Ego igitur in communem omnium gratiam singulas cuiusque tum ichno- graphiæ tum orthographiæ partes Latino sermone pro viribus declaravi, adscriptis aut binis aut singulis cuique ichnographiæ literis, quibus singularum partium in quouis ædificio vsus & com- moditas intelligatur: quemadmodum (exempli gratia) A L, aulam, siue maus triclinium signi- fificant: C B, cubiculum: V, vestiariū: C, conclaue, siue maus pinacothecam: C L, culinam, aut coquinam: P, penariam, siue promptuariam cellam: A F, aulam famulitij, aut famularem: V P, vaporarium, siue maus hypocaustum: C L L, cellas vinarias: O, oratoriam cellam: A B, ambu- lationem, siue maus porticum: H V P, hypæthras siue subdiales ambulationes. Quoties verò in ichnographiis partes quasdam duplici literarum ordine, veluti suprâ C B, infrâ verò C L, notatas reperies, ipsa C L, culinam significant in habitatione infima constitutam: C B, autem, cubiculum in superiore habitatione situm. Quoties enim nota duplex in aliqua ichnographiæ parte occurret, memineris notam inferiorem primæ seu infimæ habitationis commoditatem significare, superio- rem verò superiori conuenire habitationi.

I I.

A Edificij secundo ichnographiæ schemate deformati facies orgyias duodecim cum semisse in la- titudinem patet, in profunditatem verò quinque & semissem, factâ nimirum extrinsecus dimen-

B

sione, & parietum omnium dimensa in omnes partes crassitudine: prætermissa tamen arca & arcepto, utpote cuius in ipsa ichnographia nulla prorsus sit facta mentio. Huius autem ædificij ha particularis descriptio.

Ædificium hoc à soli superficie siue plano pede, ad summam contignationem orgyias tres atur, ab eoque ipso plano pede ad imum fundamentum in hypogææ habitationis institutione orgyias duas deprimitur, quæ ad superiores additæ orgyias quinque efficiunt.

Sub podio, siue prothyraïs scalis in hypogeam habitationem patet septem pedum descensus: a quoque sub interioribus rectæ itionis scalis, in cochleæ angustioris formam compositus. His vero septem pedibus adiuncti tres alij, qui prothyraïs debentur scalis, decempedalem altitudinem ipsi concedunt hypogeo, quod in coquinam, cellam penariam, vasculariam, lignariam, & cellulam vinariam distinctum est.

Superior habitatio, quæ ex plano pede eminet, inter vtramque contignationem pedum duodecim altitudinem sibi vendicat. Hæc mediâ diuiditur itione, cuius alterum latus triclinio, conclau, vestiario, & latrinæ destinatum est: alterum cubiculo, conclau sub scalis rectæ itionis sito, vestiario, & latrinæ attribuitur.

Supra hanc habitationem pari ratione collocantur cubicula, conclauia, vestiaria, & latrinæ, ita tamen ut infimæ tecti partes in parietum vicem subeant. Porro ædificium totum per infumibula quinque fumum emittit, eiúsque substructio orgyiis triginta & quingentis absolvitur. D X X X. or.

I I I.

Tertium ædificium latitudinis orgyias sedecim in fronte habet, quibus accedunt aliæ sex cum semisse, quæ profunditatem definiunt, factâ extrinsecus, ut antea, dimensione. Huius altitudo à soli superficie ad summum parietem orgyias tres pedesque duos complectitur, dempto tamen ædificij membro tentorij more fastigiato, quod priorem ædificij altitudinem septem pedibus superat.

In porticus ingressu occurrunt scalæ gradibus nouem supra terram assurgentes in quatuor pedes & semissem, qui ad infimæ habitationis altitudinem accedunt. Ex vtraque earundem scalarum parte in hypogeam habitationem patet sex pedum descensus, ita ut pedibus duodecim sub prima contignatione, assumptis vnâ fundamentis, depressa lateat. Hæc autem habitatio culinâ, cellâ penariâ, itemque vasculariâ, ex altero quidem latere distinguitur: ex altero autem, triclinio communi, duobusque locis in panis vini que asservationem comparatis, effossâ sub communi triclinio cellâ etiam vinariâ.

In superiore habitatione ad alteram quidem scalarum partem descripta est aula, conclaue, vestiarius, atque latrina: ad alteram verò, cubiculum, conclaue, vestiarius, & latrina.

Suprema habitatio, quæ infimis tecti partibus pro parietibus vitur, cubicula duo, totidem conclauia, vestiaria, latrinas complectitur.

Totius autem ædificij duodecim sunt infumibula, eiúsque substructio orgyiarum est viginti & sexcentarum. D C X X. or.

I I I I

Quarti ædificij facies orgyias nouemdecim in latitudinem patens, orgyiarum octo & semissis profunditatem habet, cuius ab imis fundamētis ad summos parietes altitudo sex orgyiis definitur, quarum quatuor cum pedibus totidem à plano pede in altum sublimitati debentur, reliquum verò tum foundationi, tum hypogææ habitationis altitudini attribuitur.

In huius introitu septem pedum ascensus in habitationem ducit, quæ prima ex soli superficie eminet. Ex aduerso ipsarum scalarum in hypogeam habitationem, quæ pedibus decem attollitur, quatuor pedum descensus patet. Hæc autem hypogea habitatio in culinam, cellam penariam, aulam communem, lintei epularis apothecam, cellam œnomicam, cellam lignariam, & cellulam vinariam distinguitur: quibus duo accedunt infumibula, hoc quidem aulæ, illud verò culinæ accommodatum.

Superior habitatio, quæ prima ex plano pede eminet, aulam complectitur suo conclau instructam, cubicula duo, totidemque vestiaria, addito ad cubiculorum alterum conclau vnico: tria præterea infumibula, aut (si mauis) quatuor, cum infumibula duo triclinium ipsum pro sui longitudine capere posse videatur.

Suprema

suprema habitatio, quæ infimas tecti partes in parietum vicem accipit, cubiculis quatuor, si ad superiorem triclinij contignationem intergerinus accedat paries, instruitur, vestiariis duobus, cōclauibus totidem, & infumibulis quatuor: ita vt totius ædificij structura orgyiarum sit octingentarum.

D C C C. Or.

In latrinarum situm deligendus erit aptus quidam ex area locus: neque enim earum substructio superiore dimensione comprehenditur.

V.

Q Vintum ædificium in fronte latitudinem orgyiarum tredecim habet, orgyias nouem in profunditatem patens, quibus ab imis fundamentis ad summos parietes accedunt altitudinis orgyie sex cum semisse. Huius autem ædificij tres sunt à plano pede in sublime habitationes.

Quarum infima pedibus tredecim sub trabes elata culinam, cellam penariam, linteï epularis sitam sub scalaris recte itionis apothecam complectitur: aulam præterea, conclaue, cubiculum, adiuncto cōclau, vestiario, & latrina: quæ omnia tribus infumibulis instructa sunt. Sub huius autem habitationis cubiculo duo sunt cellæ vinariæ fornices: quò patet descensus sub rectæ itionis scalaris in medio sitis, vt ex ipsa perspicui potest ichnographia.

Superior habitatio pedibus vndecim sub trabes elata triclinium continet, conclaue, cubacula duo, & alterum conclaue, vestiaria duo, & latrinas totidem, adiunctis tribus infumibulis.

Suprema verò, quæ infimas tecti partes parietum loco accipit, decem pedes attollitur. Hic cubiculis quatuor locus est idoneus, excitato supra triclinium per mediam contignationem intergerino pariete. Singulis autem cubiculis suum attribuitur conclaue. In hac habitatione tria sunt infumibula, & latrinæ duæ.

Totius autem ædificij substructio orgyiarum est viginti & octingentarum.

D C C C X X. Or.

VI.

Sexti ædificij in fronte latitudo quidem orgyiarum est octodecim, nouem verò profunditas, quibus accedit orgyiarum sex altitudo, quarum quatuor duoque pedes à soli superficie sunt ad ipsos parietes summos, reliquum verò ab ipsa soli superficie ad imum fundamentum.

In huius ædificij limine occurrit ad retractionem graduum, siue areolam, indeque rursus in eandem habitationem ascensus. Ex aduerso alterius lateris eiusdem retractionis descensus in habitationem infimam patet, quæ decem pedes alta ministeriis œconomicis destinata est. Nam ex altero latere culinam continet, cellasque penarias duas, quarum altera sub ipsa retractione sita est: itémque cellam vasculariam cum clibano: Ex altero autem latere communem aulam habet, linteï epularis apothecam, cubiculum, cum vestiario.

Superioris habitationis, quæ pedes quatuordecim attollitur, alterum quidem latus aulam, cubiculum, vestiarium, cellamque oratoriam cōplectitur: alterum verò, cubiculo, vestiariis duobus, adiunctâ latrinâ, distinguitur. In huius habitationis medio positus est descensus, qui per podium, siue posticas rectæ itionis scalas extrinsecus excitatas in hortum deducit.

Suprema & tertia habitatio, quæ infimas tecti partes parietum loco accipit, pedes decem sub suum lacunar attollitur. Continet autem cubacula duo, vestiaria quatuor, quibus suæ accedunt latrinæ.

Totius ædificij structura orgyiarum est triginta & octingentarum.

D C C C X X X. Or.

VII.

Septimum ædificium in aqua extructum sedecim orgyias latitudinis in fronte habet, præter latrinas duas, quæ pedibus septem proiiciuntur, nouem orgyiarum profunditatem, altitudinem verò orgyiarum quinque & semissis, ab imis scilicet fundamentis ad summos parietes: quarum orgyiarum quatuor duoque pedes à puluino proclinante in sublime continentur, reliquum verò eidem puluino debetur & foundationi palationibus institutæ, vbi locus non reperitur solidus.

Prima habitatio nouem pedes sub trabes alta culinam complectitur, cellam penariam, cellam vasculariam: itém, aulam communem, linteï epularis apothecam, cellam lignariam, cellulam vinariam, atque latrinam: quibus accedunt ingressus, & rectæ itionis scalaris in medio ædificij collocatæ.

B ij

Superior habitatio pedes tredecim inter vtramque contignationem sublata triclinium magni accipit, cubicula duo, conclaui duo, totidemque vestiaria, & latrinas totidem.

Tertia & suprema habitatio, quæ inferioribus tecti partibus pro parietibus vitur, quatuor continet cubicula, accedente nimirum supra triclinium intergerino pariete, quo mediam ipsius contignationem dirimat: quorum singulis sua attribuuntur vestiaria, collocatis, vt in habitationibus inferioribus, latrinis.

Totius ædificij substructio orgyiarum est octingentarum & septuaginta.

D C C C L X X. or.

V I I I.

Octauum ædificium in facie anteriore, quæ ad aream spectat, orgyiarum sedecim latitudine definitur, in posteriore verò octodecim cum semisse, nimirum ob membrorum accessione, quæ tentoriorum modo fastigiata extra faciem anteriorem excurrunt: profunditatem præterea orgyiarum septem habet, non connumeratis quinque pedibus, qui ipsorum membrorum proiecturæ debentur: sex denique orgyiarum ab imis fundamentis ad summos parietes altitudinem obtinet, quarum quatuor cum pedibus quinque sunt à plano pede in altum, septem verò pedes foundationi conceduntur.

Huius ædificij infima habitatio nouem pedibus sub trabes elata famulari triclinio in habitatione media collocato instruitur, ad cuius alterum latus posita sunt culina, cella penaria, cella vascularia, atque latrina: ad alterum verò, cubiculum, conclaue, vestiarium, cum latrina. His accedunt rectæ duplicis ascensus, partim ad dextram, partim ad læuam positi, scalæ.

Superior habitatio quindecim pedum altitudine sub trabes elata, aulam cōtinet, cubicula duo, totidem conclaui, vestiaria, atque latrinas.

Suprema habitatio, quæ infimas tecti partes parietum loco accipit, paribus similibusque describitur partibus, quibus inferiores. In hoc toto ædificio tredecim sunt infumibula, eiusque substructio decem & nongentarum est orgyiarum, prætermissa dimensione ambulationum in ichnographia delineatarum.

D C C C C X. or.

I X.

Huius noni ædificij latitudo in fronte orgyiarum est septemdecim, nouem verò profunditas, prætermittens duarum orgyiarum proiecturam, quæ duobus debentur membris tentoriorum more fastigiatis, & scalarum vsum præbentibus: altitudo denique ab imis fundamentis ad summos parietes orgyis sex & semisse definitur: quarum quatuor cum pedibus totidem à soli superficie in sublime attribuantur, reliquum verò hypogææ habitationi & fundamentis conceditur. Vtriusque autem ipsorum membrorum altitudo summos ædificij parietes pedibus octo superat.

In secundam habitationem patet trium pedum ascensus, decem verò in hypogeam descensus, quæ nouē pedibus sub trabes aut cameram (si concameranda videatur) elata ministeriis domesticis & famularibus destinata est: continet enim magnum triclinium duobus instructum infumibulis. Ad eius extremum sub altero ex amplioribus membris tentoriorum more fastigiatis collocata est culina, cui ad latus sua adiungitur cella penaria: ad alterum autem eiusdem triclinij extremum, sub altero quoque ex ipsis amplioribus membris collocatum est famulare triclinium, sua lintei epularis apotheca instructum, cum cella æconomica in medio constitutâ: quibus adiuncta sunt duo loca subrectæ itionis scalis posita, quæ cellularum vinariarum vsum præbeant.

Altera & superior habitatio, pedes duodecim sub trabes alta, ampliore distinguitur triclinio duobus instructo spiraculis (cui sua in medio adiuncta est lintei epularis apotheca, siue maior pinacotheca) cubiculis duobus, & vestiariis totidem.

Tertia habitatio decem pedibus sub trabes elata, quatuor describitur cubiculis, vestiariis quatuor, & conclaui vnico: ita tamen vt ex his omnibus cubacula duo, per quæ in alia duo cubacula ad hortos spectantia patet transitus, vestiaria duo, ipsūque in medio cōclaue, supra triclinium collocentur: id quod intergerinorum parietum adminiculo consequeris, qui tamen in ipsa ichnographia deformari non possunt.

Quarta & suprema habitatio, cui infimæ tecti partes in parietum locum cedunt, pedibus nouem sub suum lacunar attollitur. Hæc paria omnino & similia ædificij membra continet, quibus proxima

ma

ma inferior descripta est.

orijs autem ædificij structura mille quinquaginta continetur orgyis, quibus neque cella vinaria, neque latrina adnumeratur.

M I. org.

X.

Decimum ædificium in loco palustri vel secundum aquam situm orgyias decem in omnem longitudinis & latitudinis dimensionem complectitur, habetque in quolibet cuneo turrim rotundam, quæ ædificij altitudinem contignatione vna superat, eiusque diameter in interiorem parietum superficiem desinens duarum est orgyiarum pedis que vnus. Hoc autem ædificium supra puluinum proclinato latere substructum orgyias quinque & pedes quatuor elatum est: puluinus verò cum fundamentis, orgyiam semis.

Prima huius ædificij habitatio pedibus vndecim sub trabes elata culinam complectitur, cellam penariam, cellam vasculariam, triclinium, conclaue, cubicula duo, vestiaria totidem, addito conclauis, cellam vinariam sub cubiculo collocatam pari interuallo à coquina distantem, quibus accedit carcer in interiore turris puluino.

Secunda habitatio pedes quindecim sub trabes elata distinguitur triclinio, cubiculis tribus, vestiariis totidem, cum sua cuique latrina.

Tertia habitatio, que infimas tecti partes parietum loco accipit, paribus ac similibus, quibus inferior proxima, describitur partibus.

Suprema turrium habitatio in subdialis pauimenti modum excitata, itionem in circuitum habet, ex cuius medio rotundum tectum eminet.

Obseruandum est autem contignationum transtra siue trabes inter se propinquas esse oportere, quoniam fenestræ interius pari distantes interuallo in medium cubiculorum incidant: id quod plerique expetunt.

Porro totius ædificij infumibula sunt septem & viginti: substructio autem mille decem & centum est orgyiarum.

M C X. org.

XI.

Hoc ædificium orgyiarum quindecim semis latitudinem in fronte habet, in lateribus autem orgyiarum octo semis profunditatem, altitudinem denique orgyiarum septem, quarum vna foundationi tribuitur, sex verò reliquæ à soli superficie in altum cōceduntur. In huius ædificij medio patet aditus cum thyroreio, id est, itione à fronte ad posticum traducta, ad eiusque extremum excitatæ sunt rectæ itionis scalæ, circum quas in singulis contignationibus constitutū est vestibulum locūve communis, antequam in vllum habitationis membrum sit introitus.

Infima omnium habitatio pedibus decem sub trabes elata æconomicis ministeriis dicata est, quæ ad alterum itionis latus coquinam, cellam penariam, famulare triclinium, conclaue, & latrinam cōplectitur: ad alterum, cubicula duo, vestiaria totidem, atque latrinam vnā liberum vtrique vestiario vsum adferentem. Huius habitationis sex numerantur infumibula.

Secunda habitatio pedes tredecim inter vtramque contignationem alta, triclinium habet, conclaue, vestiarium, cubicula duo, vestiaria totidem, cum sua cuique latrina. Huius habitationis sex sunt infumibula.

Suprema habitatio, quæ infimis tecti partibus parietum vice vtitur, pedes vndecim sub suum lacunar alta, quatuor distinguitur cubiculis, intercedente nimirum supra triclinium intergerino pariete, adiuncto ad quodque cubiculum vestiario, atque latrina, ita vt singulorum liber sit vsum. Huic habitationi sex adscripta sunt infumibula: quò fit vt totius ædificij octodecim sint infumibula: structura autem, addito vtriusque areæ septo, duobus quoque cellæ vinariæ fornicibus sub altero primæ habitationis cubiculo extructis, in orgyiarum quatuor longitudinem, decemque pedum latitudinem singulis, accedente in alteram ex areis descensu sub eiusdem cubiculi vestiario, itémque sub scalis rectæ itionis cochleari descensu altero, qui in cellam sub alterum cubiculum in confinio cellæ prioris vinariæ effossam deducit, additisque postremum latrinarum fossis, orgyiarum est mille centum quinquaginta.

M C I. org.

XII.

HOc ædificium figura est parallelogramma, in cuius singulis cuneis rotunda constituitur. Eadem, quæ ædificium ipsum, altitudine, quæ est orgyiarum septem, nimirum à puluino in sublime orgyiarum quatuor & pedis vnus, eo, quod superest, in ipsius puluini & foundationis altitudine relicto. Habet autem in fronte latitudinis orgyias quatuordecim, in lateribus autem profunditatis orgyias octo & semissem.

Prima habitatio decem pedibus sub trabes elata ministeriis æconomicis attributa est.

Superior duodecim pedes inter vtramque contignationem alta triclinio distinguitur, cubiculis duobus, vestiariis & conclauius totidem, duobus insuper locis in latrinarum vsum comparatis.

Suprema habitatio, cui infimæ tecti partes in parietum locum cedunt, nouem pedibus sub suum lacunar elata, paribus distinguitur membris quibus inferior proxima.

Hoc ædificium duas interius complectitur rectæ itionis scalas: in fronte verò podium occurrit oblatam primæ habitationis aream adiunctum: sub eoque podio rectus patet in cellam vinariam descensus, quæ pari cum triclinio longitudine sub eodem effossa est, tametsi in eam alium quoque descensum præbeant cochlides scalæ sub altera ex ipsis rectæ itionis scalis sitæ. Totius autem ædificij infumibula sunt vndecim: eiúsque substructio orgyiarum est mille centum sexaginta. M C L X. org.

XIII.

HOc ædificium figura est parallelogramma, orgyias octodecim latitudinis in fronte habens, in lateribus vero profunditatis orgyias quatuordecim, adiunctâ tamen area, cuius latitudo orgyiarum est decem semis, profunditas verò orgyiarum octo & semiorgyia: altitudo denique ab imis fundamentis ad summum parietem orgyiarum sex, quarum quatuor cum pedibus totidem sunt à soli superficie in sublime, reliqui autem pedes octo foundationi attribuuntur. In singulis huius ædificij angulis collocatum est membrum tentorij more fastigiatum, cuius in omnem partem proiectura orgyiarum duarum est. Constat autem ædificium totum tribus præcipuis partibus, quarum vna in ambulationis vsum instituta est, reliquæ verò duæ habitationibus conceduntur, extructo in fronte muro, qui aditum modò in ædes ipsas præbeat.

Prima & infima habitatio pedibus duodecim sub trabes elata triclinium complectitur, conclaue, culinam, cellam penariam, cubicula duo, conclauia, & vestiaria totidem: in fronte, ad alterum quidem ambulationis extremum, cellam oratoriam: ad alterum verò, paruum cubiculum.

Superior habitatio pedes vndecim inter vtramque contignationem alta distinguitur triclinio, conclauis, cubiculis tribus, totidem conclauius, & vestiariis, cum latrinis duabus.

Suprema habitatio, cui infimæ tecti partes in parietum locum cedunt, pedibus decem sub suum lacunar elata, similibus definitur membris quibus inferior proxima. Huc accedunt rectæ itionis scalæ toti ædificio accommodatæ, & infumibula octodecim. Totius autem ædificij structura orgyiarum est mille centum septuaginta. M C L X X. org.

XIIII.

Totum hoc ædificium particularibus quatuor constat ædificiis, cuius latitudo in fronte orgyiarum est sedecim, profunditas verò orgyiarum septedecim quatuorque pedum. Ex his autem particularibus ædificiis illa tria, quorum vnum in postico, reliqua duo ad dextram laeuamque constituta sunt, quinque orgyis & semiorgyia attolluntur, quatuor nimirum orgyis à soli superficie ad parietes summos, orgyia verò vna semis ab imis fundamentis ad ipsam soli superficiem. Illa verò profunditas, quam diximus, mediam complectitur aream, cuius latera singula orgyiarum sunt octo semis.

Porro ex iisdem particularibus ædificiis quartum illud, quod in fronte excitatum est, ambulationis vsum præbet, cuius interiores parietes arcuati sunt, tecto insuper pauimenti subdialis more imposito, per quod ad vtrumque ædificium dextrâ laeuamque extructum transitus datur. In ipsius autem ambulationis medio patet in totum ædificium aditus.

Sed alterum ex his, quæ ad latera posita sunt, ima sui parte equile complectitur, cuius longitudo orgyiarum est quinque semis, trium verò semis latitudo. Huc verò tum area ipsa amplior ingressum præbet, tum itio quædam ad ipsius primi ædificij frontem pertinens, in cuius extremo ad eiusdem itionis

ais latus cubiculum est hippotrophorum habitationi, ephippiorum & ornamentorum equie-
una custodiæ destinatum. Adhæc in altero eiusdem equilis extremo, exitus in aliam est aream,
in singula latera tres orgyas patens cratitiis obsepitur parietibus itionem ex vno latere occlu-
sus, quæ infra quidem ad latrinas ducit solido ædificij muro ad dextram prope equilecon-
tas: suprâ verò à postico ædificio ad easdem latrinas aditû præbet. Cæterum supra ipsum equi-
duo sunt cubicula, & vestiaria totidem, positis insuper fœnilibus.

Tertium ædificium ad læuam positum ima sui habitatione culinam complectitur, cellam pena-
riam, & famulare triclinium, quibus accedunt area, & latrinæ, nihil absimiles his quæ ad dextram
collocatæ sunt. In superiore habitatione duo sunt cubicula, vestiaria totidem, posito insuper horreo.
In hanc autem habitationem ingressum præbet tum ipsa ambulatio, tum ædificium illud in postico
excitatum.

Hoc verò quartum est ex particularibus ædificiis omnium amplissimum, cuius habitatio infima
triclinio distinguitur, vestiario, conclavi, cubiculis duobus, vestiariis totidem, adiuncta ponè tricli-
nium ambulatione: quibus accedunt duæ rectæ itionis scalæ in particularium trium ædificiorum
vsum comparatæ.

Superior habitatio non dissimiles inferiori commoditates habet, demptâ tamen ambulatione ip-
sa, quæ pauimenti subdialis vicem præbet.

In tertia habitatione triclinium infimas tecti partes parietum loco accipit: quæ verò ad vtrunque
latus sunt cubicula vna contignatione altius attolluntur, tecto tētoriorum figurâ imposito: id quod
orthographia satis ostendit.

Totius autem ædificij camini sunt quindecim, effossa sub commune triclinium cellâ vinariâ, in
quam à minoris areæ latere descensus patet. Eiusque ædificij structura, prætermisso fonte in media
ampliore area posito, orgyiarum est mille trecentarum quadraginta. MCCCXL.org,

XV.

A Edificium hoc particularibus sex constat ædificiis, areâque media, quorum vnum in fronte, duò
ad latera, quartum in postico duobus postremis coniunctum ædificiis in tentoriorum morem
fastigiatis, ex quibus in viridaria prospectus patet. Totius autem ædificij latitudo in frôte est orgyia-
rum septemdecim, viginti quinque profunditas, altitudo denique orgyiarum septem, connumera-
tis nimirum in fundatione pedibus septem. Sed hanc altitudinem vna contignatione superant ædi-
ficia ipsa duo tentoriorum more fastigiata. Porrò areæ latitudo orgyiarum est duodecim, decem
verò profunditas.

Primum ex particularibus ipsis sex ædificiis in fronte excitatum tribus decoratur membris tento-
riorum more fastigiatis, quorum medium in ædes ipsas aditum præbet. Horum trium membrorum
altitudo ad duas assurgit contignationes, horreis insuper positis. In qualibet autem singulorum ha-
bitatione suum cuique membro est cubiculum, adiunctis latrinis, & cochlidibus scalis. Atque inter
hæc ipsa membra ad vtrunque aditus ipsius latus cōstitutum est equile, cuius vnica est contignatio,
collocato insuper horreo.

Quæ ad dextram læuamque sunt ædificia duo, in ambulationis vsum ima sui parte comparatæ
sunt, quibus subtensum in secunda contignatione tectum subdialis pauimenti more impositum est.

Quod verò inter ampliora duo membra tentoriorum more fastigiata in postico situm est ædifi-
cium, ad tres assurgit contignationes, constitutâ insuper habitatione, cui infimæ tecti partes in parie-
tum vicem cedunt. Sed ipsa duo membra tentoriorum more fastigiata, quatuor contignationibus
attolluntur, constituta insuper habitatione consimili. Prima postici huius ædificij, ipsorumque mem-
brorum habitatio coquina distinguitur, cella penaria, famulari triclinio, cellisque vinariis. Huc au-
tem quatuor pedum sub vtrunque podium descensus est: in secundam verò habitationem sex pe-
dum ascensus patet.

Atque hæc pedibus quatuordecim sub trabes elata, triclinium complectitur, cubicula duo, con-
clavia duo, vestiaria & latrinas totidem: quibus accedunt duæ rectæ itionis scalæ in omnium habita-
tionum vsum comparatæ: quarum quidem habitationum nihil absimiles sunt inferioribus comoditates.

Hic verò meminisse decet, ponè triclinium ambulationem arcuatis parietibus institutam, cu-
ius tectum subdialis pauimenti vsum præbeat, ex ipsiusque ambulationis vtroque extremo pateat

in hortos descensus.

Totius ædificij viginti quatuor sunt infumibula: substructio verò mille nongentarum octoginta orgyiarum.

M D C C C C L X X X . 0

XVI.

HOc ædificium in decussẽ siue crucem descriptum est, circa cuius centrum rotunda collocatur area duarum orgyiarum semis diametrum habens, turris in morem distincto in angustiores arcus pariete cincta, cui rotundum, siue maius hemisphæricum in summo tectum superstat. In huius area circuitu constitutæ sunt figura quoque rotunda ædificij scalæ, duplici, eoque libero in singulas contignationes ascensu, ita tamen ut ad eiusdem contignationis altitudinem uterque se referat. In has scalas per ipsos arcus lumina immittuntur ex area. Sunt in his etiã duę retractiones graduum siue areolę, per quas in ambulationem rotundam nouem pedes latam ingressus est, in quam per quaternos fenestrarum decusses inter quatuor membra tentoriorum modo fastigiata collocatos, lumina infunduntur. Huius ædificij altitudo ab imis fundamentis ad parietes summos orgyiarum est octo, septem nimirum à soli superficie in altum, quòd vnica fundamentis tribuatur.

Prima habitatio decem pedibus sub trabes alta, exceptis tamen tribus gradibus extra circumque ædificium procurrentibus. In primò ipsorum quatuor membrorum aditus est tribus itionibus, quæ arcuatis parietibus distinguuntur, patens, quarum media ad laterales singulas duplicem habet latitudinem. Hæc iter est ad primam ambulationem in ambitu scalarum constitutam, quæ ad tres trium reliquorum membrorum infimas ducit habitationes. Ex his verò tribus membris vnum equili debetur: alterum culinæ, cellæ penariæ, & vasculariæ: tertium autem famulari triclinio, linteï epularis apothecæ, cubiculo, & secretioribus scalis extra edes ducentibus.

Superior habitatio pedes tredecim inter vtramque cõtignationem alta ita describitur, ut in primò mēbro, quod infrà ingressum præbet, cõtineantur triclinium, cõclauē, & vestiariū: in triū autem reliquorum singulis, eadēque habitatione superiore, cubiculum, cõclauē, & vestiariū. Ad id verò, quod equile infrà cõplectitur, accedunt latrinę in singulis huius membri habitationibus continuatę.

Tertia habitatio, pedibus vndecim sub trabes elata, paribus & similibus continetur partibus, quibus inferior proxima

Suprema omnium habitatio, cui infimę tecti partes in parietum vicem cedunt, decem pedes sub suum lacunat alta, totidem similibusque describitur partibus. Totius autem ædificij infumibula sunt vnum & viginti, quibus accedit cella vinaria duobus fornicibus concamerata, quorum longitudo sex orgyias, latitudo verò pedes vndecim complectitur: substructio denique bis mille ducentarum quindecim orgyiarum.

I I M C C X V . org.

XVII.

AEdificium hoc figura est parallelogramma, cuius in fronte latitudo orgyiarum est vnus & viginti cum semisse, sed triginta vnus profunditas. Sunt autem varia huius ædificij membra tres areas includentia.

Ædificium in fronte excitatum, in cuius medio aditus patet, ad duas contignationes assurgit, positus insuper horreis: eiúsque talis est descriptio, ut alterum latus equili tribuatur, alterum autem triclinio & cubiculo, quibus duæ accedunt scalæ ædificium ipsum vna contignatione superantes.

Superior habitatio, quam bipertitam efficiet intermedius ipse aditus subdialis pauimenti in morem tectus, in vtroque latere distinguitur cubiculis duobus, & vestiario, vnde tum in frõtem tum in duas minores areas prospectus datur, quarum singula latera tres orgyias pedēque vnum in longitudinem patent: hisque adiunctę sunt ambulationes duæ gnomonis orthogonię figura constitutæ, ac subdialis pauimenti modo tectæ, arcubusque tum in aditus itionem, tum in ampliorem patentes aream, cuius latera singula orgyiarum sunt tredecim.

Ad dextram huius area partem extructum est ædificium duabus elatum contignationibus, quarum prima coquinam, cellam penariam, famulare triclinium, & linteï epularis apothecam continet, quibus rectæ accedunt scalæ ad posticum amplius ædificium adiunctæ.

Superior verò huius ædificij habitatio duobus distinguitur cubiculis, & vestiariis totidem: his verò suprema incumbit habitatio, quæ infimas tecti partes parietum loco accipit, eadēque habitandi ratione describitur.

Ad leuam

læuam autem ipsius areæ partem alterum est ædificium eiusdem tum altitudinis tum latitudinis in ima, media, & summa contignatione ambulationis vsum præbet per fenestras lumen ientis.

Ædificium denique in postico excitatum ad eandem assurgit altitudinem: in cuius ima habitatur triclinium, cubiculum, & vestiarius continentur, additis scalis, communibusque locis duobus ad extrema ædificij relictis, quæ in hortos descensus est.

Superior habitatio similes inferioribus commoditates habet, addito præterea conclauis, & bibliotheca, quæ supra loca ipsa communia constituta sunt. Eadem est descriptio supremæ habitationis, quæ infimis tecti partibus, vt parietibus vtitur.

Totius autem ædificij substructio, connumeratis videlicet cellis vinariis, puteis duobus, & quatuor latrinarum fossis, cum viginti tribus infumibulis, orgyiarum est bis mille trecentarum & octoginta.

I I M C C C L X X X. org.

XVIII.

Totius ædificij huius medium quadrata descriptum figura, cuius singula latera orgyiarum sunt quindecim semis, & particularibus tribus constat ædificiis, ita tamen vt ad quemlibet ipsius quadrati angulum singula adstruantur membra tentoriorum more fastigiata, quorum proiectura in longum latumque orgyiarum est quatuor pedumque duorum. In huius ædificij fronte ambulationis occurrit, cui subtensum imponitur tectum, quæque duplicem aditum præbet in porticum, indeque in amplius famulare triclinium, cuius longitudo orgyiarum est decem semis, orgyiarum sex latitudo: altitudo autem duplici fornice ad fastigium attollitur columnarum adminiculo fornices in triclinij medio fulcientium.

Ad vtrumque famularis huius triclinij latus aliud collocatum est triclinium longitudinem habens sex orgyiarum semis, latitudinem verò orgyiarum quatuor, cui adiuncta sunt à postico cubacula, conclauia, & vestiaria. Ex illis autem quatuor angularibus membris posteriora duos suas habent cochlides scalas: anteriora autem duo, rectas: quorum alterum coquinæ, cellæ penariæ, aliisque vñs accommodatur: alterum autem cubiculis & vestiariis in hospitum habitationem distinguitur.

Medium ipsius quadrati ædificium ab imis fundamentis ad summos parietes orgyis octo attollitur, à soli videlicet superficie in altum orgyis sex pedibusque quatuor, ita vt pedes octo foundationi concedantur. Quæ verò ad dextram læuamque sita sunt, orgyis duntaxat quinque attolluntur, à soli nimirum superficie in altum. Vtriusque huius ædificij altitudinem vna contignatione angularia superant membra, quò nimirum medij altitudinem adæquant.

Prima habitatio pedibus quatuordecim sub trabes attollitur: secunda, pedibus decem: tertia verò in ipsis angularibus membris pedes nouem alta est.

Eadem habitatio secunda vtriusque ædificij ad medij latera extructi, necnon angularium quatuor membrorum, similibus distribuitur partibus, quibus inferior proxima, in fronte nimirum cubiculis duobus, vestiariis duobus, & conclauibus totidem: in postico autem tricliniis duobus, cubiculis quatuor, vestiariis quatuor, conclauibusque duobus.

Tertia habitatio similibus describitur partibus, nisi quòd in vtroque ædificio ad medij latera sito triclinia & cubacula infimas tecti partes parietum vice accipiunt. Porro ædificium ipsum caminos sex & triginta habet, effossa sub vno angularium membrorum quatuor cellâ vinariâ. Totius autem substructio orgyiarum est bis mille decem & quadringentarum.

I I M C C C C X. org.

XIX.

Ædificium hoc particularibus quatuor ædificiis constat, cuius in fronte latitudo est orgyiarum quatuor & viginti, profunditas verò viginti. Media autem area latitudinis est orgyiarum octo decim, profunditas vñdecim.

Quod in fronte est ædificium tribus membris decoratur tentoriorum more fastigiatis, ad duplicem contignationem sublatis, collocatis insuper horreis. Per horum mediū patet in ædes aditus. Ex reliquis autem duobus, quæ angulos tenent, alterum æconomicis deputatur ministeriis, alterum cubiculis & vestiariis distinguitur. Porro inter hæc tria ædificij membra ad hanc & illam ingressus partem extructa sunt

equilia, ad vnicam contignationem sublata, collocatis insuper horreis.

Quæ verò ad dextram læuamque sita sunt ædificia duo ambulationum vsum præbent, quæ prima contignatio duplici fulcitur stylobata, superiore per fenestras lucem hauriente.

Quartum ædificium in postico excitatum tribus quoque decoratur membris tentoriorum re fastigiatis, quorum singula triplici assurgunt contignatione, collocatâ insuper habitatione, infimis tecti partibus parietum vice vitur. Nam his interiectæ ædificij partes duplici solum attolluntur contignatione, positâ insuper habitatione consimili: hoc autem ædificium tricliniis distinguitur, cubiculis, & vestiariis, quibus accedunt duæ recte itionis scalæ.

Totius denique ædificij camini sunt viginti duo: cuius substructio, connumeratâ etiâ vinariâ cellâ, orgyiarum est bis mille decem & quadringentarum.

I I M C C C C X. org.

XX.

Vigesimum ædificium particularibus quatuor constat ædificiis in quadrati figuram compositis, ita ut facies quævis vigintiquinque orgyiarum longitudinem habeat, prætermisso tamen subdiali pauimento, quod in postico ad hortos spectat, in quos ab ipso descensus patet, adiunctâ autem areâ quadratâ medium inter ipsa ædificia locum occupante: cuius latera singula orgyiarum sunt sedecim.

Primum ex quatuor ædificiis in fronte excitatum ambulationis vsum præbet, cui subtensum imponitur tectum, quæ media sui parte in totum ædificium aditum præbet.

Duo verò ædificia dextrâ læuâque singulas in medio scalas habent: imâque alterius habitatio partim equili, partim, cubiculo, conclau, & vestiario conceditur: alterius autem, ministeriis famularibus attribuitur.

Secunda eorundem ædificiorum habitatio tribus singillatim distinguitur cubiculis, vestiariis duobus, conclau, & latrinis, horreis insuper collocatis.

Quartum ædificium in postico extructum duabus etiam contignationibus, summâque habitatione, quæ infimas tecti partes parietum vice accipit, elatum, vtrâque sui extremitate, quæ extra aream excurrit, tentoriorum instar fastigiata, ubi altitudo quoque reliquam huius ædificij sublimitatem contignatione vna superat. Distinguitur autem suis partibus habitationi idoneis, quibus accedunt recte itionis scalæ, addito in subdiale pauimentum (cuius supra facta est mentio) exitu, quemadmodum proposita satis ostendit ichnographia.

Totius autem ædificij septem & viginti sunt camini, effossa sub famulari triclinio cellâ vinariâ: substructio verò orgyiarum bis mille quingentarum & triginta quinque.

I I M D X X X V. org.

XXI.

Totum hoc ædificium particularibus quatuor constat ædificiis in quadratum compositis, cuius longitudo in fronte vnus est & viginti orgyiarum, profunditas verò viginti vnus & semissis, adiuncta tamen area media, cuius singula latera orgyiarum sunt vndecim.

Primum ex particularibus quatuor ædificiis in fronte excitatum, ambulatio est, cuius tectum subdialis pauimenti vsum præbet, vnde extra ædificium patet prospectus. In vtroque huius ædificij extremo singula constituuntur membra tentoriorum more tecta, ad duas contignationes assurgentia, quæ vtrique ædificio dextra læuâque extructo inseruiunt.

Vtriusque autem ædificij altitudo duabus etiam contignationibus distinguitur, additis insuper horreis, ita ut quod ad dextram situm est, ima sui habitatione culinam complectatur, cellam penariam, famulare triclinium, & lintei epularis apothecam: quod verò ad sinistram, ima quoque sui habitatione, cubacula duo totidemque vestiaria contineat.

Secunda vtriusque huius ædificij habitatio duobus singillatim distribuitur cubiculis, vestiariis duobus, atque latrinis, adiunctis suis vtrique ædificio scalis.

Quartum verò ex particularibus ædificijs in postico situm duobus itidem attollitur contignationibus, adiuncta insuper habitatione quæ infimis tecti partibus ut parietibus vitur: quam tamen altitudinem vna contignatione superant extrema duo huius ædificij membra tentoriorum more tecta, quibus adiunctæ sunt recte itionis scalæ. Harum habitationum vtrâque triclinio distinguitur, cubiculis

duobus, vestiariis duobus, & conclauibus totidem: ita ut ex ima habitatione per duo loca portas ipsas in hortos dentur aditus, qui ad subdiale pauimentum pertineant, ex quo in hortos in duorum descensus patet.

ius autem ædificij, quod infumibula octo & viginti habet, cellamque vinariam sub famulare in effossam, structura orgyiarum est bis mille quingentarum.

I I M D. org.

XXII.

De utrumque huius ædificij extremum singula in fronte adstructa sunt membra tentorij more tecta, inter quæ medium ducitur subdiale pauimentum ad secundæ contignationis altitudinem elatum. Ad hoc pauimentum subdialis ascensus est per duas rectæ itionis scalas utrique membro coniunctas: itémque subtegulaneus ascensus alius per alias scalas in medio totius ædificij sitas: cuius latitudo in fronte triginta quatuor orgyiarum est, connumerato utroque ædificij totius membro: profunditas verò, orgyiarum viginti trium, connumeratâ simul areâ.

Ædificium hoc tribus contignationibus attollitur, superatur tamen hæc altitudo unâ contignatione ab utroque membro tentorij more fastigiato.

Prima habitatio nouem pedibus sub trabes elata, domesticis ministeriis attribuitur.

Secunda verò pedes tredecim inter utramque contignationem alta, suas in medio, ut dictum est, scalas habet, & ad utrumque eorū latus tricliniū, cubiculum, conclaue, vestiariū, & latrinas continet, quibus accedunt secretiores quædā scalæ in utroque membro tentorij instar fastigiato excitatæ.

Tertia habitatio tredecim pedibus elata, similes habitandi comoditates, quas inferior, cōplectitur. Idémque iudicium de suprema omnium habitatione, cui infimæ tecti partes in parietū vicem subeunt.

Porro totius ædificij sex & viginti sunt infumibula, substructio verò bis mille quingentarum & quinquaginta orgyiarum.

I I M D I. org.

XXIII.

Ædificium hoc figura est parallelogramma, particularibus quatuor ædificiis constans, quorum unum in fronte, duo ad latera, quartum in postico situm est. Area inter hæc media latitudinē habet orgyiarum viginti octo, profunditatem verò orgyiarum vndecim semis. Ipsum autem ædificiū in fronte & postico latitudinem habet orgyiarum triginta quatuor, profunditatem verò unius & viginti: cuius altitudo ad septem orgyias assurgit, quarum sex à soli superficie ad summos parietes, una verò foundationi tribuitur, non adnumeratis duobus membris tentoriorum more fastigiatis, quæ ad duo postici ædificij extrema sunt extructa: quorum proiectura orgyiarum est duarum & pedum totidem, ita tamen ut eadem hæc duo membra cum intermedio altitudinem postici ipsius ædificij una contignatione superent.

Quod verò in fronte constitutum est ædificium, aditum in ædes sui medio patefacit, posito ad leuam equili, cui duo adiuncta sunt loca in hippotrophi habitationem & ornamentorum equestriū custodiam comparata, unâ cum cochlidibus scalis: descriptâ verò ad dextram coquinâ, cellâ penariâ, cellâ vasculariâ, cellâ panariâ, famulari triclinio, vestiario, & lintei epularis apothecâ, unâ cum cochlidibus scalis.

Superior eiusdem ædificij habitatio cubiculis & vestiariis distinguitur, positis insuper horreis.

Quæ ad dextram leuamque sunt ædificia ad parem assurgunt altitudinem, quorum imæ contignationes ambulationibus tribuuntur citra concamerationem compositis. Superior autem contignatio decussatis patet fenestris.

Utrique ambulationi suæ sunt cochlides scalæ ad eorundem membrorum tentoriorum more fastigiatorum altitudinem assurgentes, quæ tum ambulationibus ipsis, tum postico ampliori ædificio commodant.

Hoc verò cæteris particularibus ædificiis altitudine conueniens medio distinguitur triclinio, ad quod ab eisdem scalis per itiones duas transitus datur: ad utrumque autem ipsius triclinij latus duo sunt cubacula, vestiaria duo, conclaue unum, quibus angusta duo accedunt loca.

Secunda habitatio, itémque tertia, quæ præterquam in membris ipsis tentoriorum more fastigiatas, infimas tecti partes parietum loco accipit, similem inferiori habent descriptionem.

Totius autem ædificij triginta tres sunt camini, effossâ sub famulare triclinium ædificij in fronte excitati cellâ vinariâ: structura verò orgyiarum bis mille quingentarum octoginta.

I I M D L X X X. org

C ij

Hoc ædificium figura est parallelogramma, particularibus septem constans ædificiis, & traheris, quarum maxima medium locum obtinet, duæ reliquæ minores ad latera sitæ sunt. Tius autem huius ædificij, connumeratis areis, latitudo in fronte orgyiarum est quadragintaque, vnius autem & viginti profunditas.

Quæ ad latera duo sunt ædificia minoribus areis coniuncta, attribuuntur, alterum quidem exili, alterum verò condendis segetum manipulis, excutendisque granis: habentque singula singula in suum vsum areolas.

Sed tria ædificia, quorum vnum in fronte, reliqua duo ipsi coniuncta ad dextram læuamque sita sunt, & maiorem concludunt aream, orgyiarum vndecim altitudinem habent, quarum nouem sunt à soli superficie ad summos parietes, duæ verò reliquæ foundationi conceduntur. Ex ipsis autem ædificiis, id, quod in fronte excitatum est, cubiculis distinguitur, & vestiariis, quibus accedit ambulatio arcuatis parietibus ad aream pertinens, sed quæ in superiore habitatione triclinij vsum præbeat, cum simili cubiculorum, vestiariorum, & conclauium descriptione: positis ad vtrumque huius ædificij extremum & scalis, & latrinis.

Reliquorum autem ædificiorum vtrumque in prima quidem habitatione rectas habet scalas, positis vtrinque tricliniis: quorum posterioribus adiunctæ sunt ambulationes arcu duplici in aream patentes, vnâ cum appposito singulis tum cubiculo, tum vestiario.

Superior habitatio eorundem duorum ædificiorum similem planè inferiori descriptionem habet, nisi quòd ipsa ambulatio in cubiculum commutatur.

Tertiæ habitationis, itémque quartæ, quæ infimas tecti partes parietum loco accipit, similis est descriptio.

Sed postrema quæ supersunt duo ædificia in prima quidè habitatione distinguuntur coquinâ, & cellâ penaria, additis cochlidibus scalis: in superiore autè & postrema habitatione, cubiculis, ac vestiariis.

Totius porrò ædificij sexaginta septem sunt camini, cum cella vinaria, ita vt eius structura orgyiarum sit bis mille decem & sexcentarum.

I I M D C X. or.

XXV.

A Edificium hoc particularibus quatuor continetur ædificiis mediam aream vndique cingentibus, cuius areæ singula latera orgyiarum sunt tredecim; adstructis extrinsecus ad singulos cuneos singulis scalis, quarum altitudo vna contignatione superat quatuor ipsa ædificia ad duas contignationes præter horreum assurgentia. Totius autem ædificij latitudo in fronte orgyiarum est trium & viginti, totidémque profunditas: altitudo denique ab imis fundamentis, quæ orgyiam vnâ depressa latent, ad summos parietes, orgyiarum sex.

Prima totius ædificij habitatio pedibus tredecim sub trabes elata distinguitur in fronte quidem coquinâ, cella penaria, cella vascularia, famulari triclinio, & cella æconomica: in postico verò, cubiculis duobus, vestiariis duobus, & conclauibus totidem, adiunctâ ad hanc vtramque contignationem in longum ambulatione arcuatis parietibus instructa, vt docet scenographia.

Superior verò vtriusque particularis huius ædificij habitatio vestiariis & conclauibus distinguitur.

Sed prima reliquorum duorum ædificiorum ad dextram læuamque sitorum contignatio ita describitur, vt altera triclinio, vestiario, cubiculo, vestiario, conclauis, & latrinis attribuatur: altera verò, cubiculis duobus, conclauibus totidem, vestiariis duobus, totidémque latrinis concedatur.

Superior habitatio, duodecim pedes inter vtramque contignationem alta non absimiles inferiori complectitur habitandi commoditates, collocatis insuper horreis.

Totius ædificij quadraginta sunt infumibula, cellæ vinariæ duæ: substructio verò bis mille septingentarum & quinquaginta orgyiarum.

I I M D C C I. org.

XXVI.

A Edificium hoc particularibus quatuor constat ædificiis in quadratum compositis, ita vt angulo cuilibet singula adstructa sint membra tentoriorum more fastigiata, quæ vna contignatione altitudinem superent ipsorum quatuor ædificiorum ad tres modò contignationes assurgentium, quibus

accedit luprema habitatio, cui infimæ tecti partes in parietum vicem cedunt. Totius autem ædificiorum exterior in omnes partes longitudo orgyiarum est sex & viginti, adiuncta videlicet angularium membrorum proiectura, quæ in vtrumque latus orgyiam vnam & semis patet. Inter hæc media est ea, cuius singula latera orgyias vndecim habent.

In ædium ingressu tres occurrunt gradus altitudinem sortiti pedis vnus & semis, quibus ad reversionem graduum scanditur, vnde trium etiam pedum patet in aream ascensus, totidemque pedum in postico datur ad hortos descensus. Caterum in hypogeam habitationem ipsorum quatuor ædificiorum, quorum ea, quæ in fronte & postico, æconomicis attribuuntur ministeriis: quæ verò ad latera, vinariis, lignariisque conceduntur cellis, descensum præbent rectæ scalæ in ichnographia descriptæ.

Prima habitatio, quæ supra terram eminet, cuiusque ima superficies areæ planitiem æquat, duorum scilicet ædificiorum in fronte & postico excitatorum, partim quidem cubiculis & vestiariis distinguitur, quemadmodum & superior: partim verò ambulationum vsum præbet arcuatis parietibus obseptarum: quarum posterior singulas habet in vtroque extremo quadratas rectæ itionis scalas, anterior verò similes ad dextram quidem scalas obtinet: ad leuam autem communem quendam locum, qua transitus datur. Porro hæc ambulationes inter se aduersæ in secunda contignatione subdialis pauimenti modo stratæ sunt.

Sed prima quidem, quæ supra terram extat, habitatio vtriusque reliquorum duorum ex particularibus quatuor ædificiis ad dextram leuamque excitatum, distinguitur triclinio, cubiculis duobus, conclauibus duobus, & vestiariis totidem. Eadem est superioris vtriusque habitationis descriptio.

Tertia autem habitatio eorundem particularium quatuor ædificiorum, quæ infimis tecti partibus parietum vice vitur, non dissimiles inferioribus commoditates sibi vendicat: tametsi in ipsis angularibus membris suprema habitatio, eorundem quatuor ædificiorum altitudinem vincit.

Totius porro ædificij sexaginta octo sunt infimbula: substructio verò, non adnumeratis aliis cellis vinariis ad eas, quarum antea facta est mentio, orgyiarum est bis mille octingentarum. I I M D C C C. Or.

XXVII.

A Edificium hoc figura est parallelogramma, cuius latitudo viginti trium est orgyiarum, trium autem & triginta profunditas. Constat autem particularibus quatuor ædificiis, ex quibus duo hinc & illinc ad dextram leuamque, tertium in postico, quartum verò in medio situm est, anteriorem aream à posteriore distinguens, quarum illa sepitur muro, per quem medium in ædes patet aditus. Huius areæ latitudo orgyiarum est tredecim semis, profunditas verò orgyiarum est decem semis. Porro ad eius latera partes ædificiorum dextræ leuæque extructorum ita comparatæ sunt, vt altera equili concedatur, altera verò cubiculis, cellæ pistoriæ, furno, & lixiuio attribuat. Vtriusque autem lateris partes vnica attolluntur contignatione, collocato insuper horreo, adstructis tamen in vtroque frontis extremo singulis ædificij membris tentoriorum more fastigiatis, & ad duplicem contignationem sublatis, quibus singulæ adscriptæ sunt scalæ.

Altera item area orgyias tredecim semis in latitudinem patet, in profunditatem verò orgyias vndecim semis. Hæc superioribus quatuor ædificiis vndique clauditur, quorum primum, quod aream ab area distinguit, ambulationis vsum præbet ad duplicem contignationem assurgens, ita vt imi parietes ex vtraque parte arcuati liberum ex vtraque area in alteram aspectum præbeant. Ad vtrumque autem huius ambulationis extremum vtrique ædificio ad dextram leuamque sito adiunctæ sunt scalæ in ipsorum ædificiorum vsum comparatæ.

Vtrumque hoc ædificium ad dextram leuamque excitatum duplici attollitur contignatione, collocata insuper habitatione, quæ infimas tecti partes parietum loco accipit: tribusque decoratur membris tentoriorum more fastigiatis, quorum duo, quæ ad hortum pertinent, cæterorum altitudinem vna contignatione superant.

In postico autem inter prædicta duo membra, quæ cæterorum altitudinem superant, excitatum est quartum ædificium ad contignationem duplicem confurgens, posita insuper habitatione, cui infimæ tecti partes in parietum vicem cedunt: atque hæc omnia suas habent commoditates, vt ex ichnographia perspicui potest.

Totius autem ædificij substructio, connumeratis duabus cellis vinariis, duabusque latinarum fossis

XXVIII.

HOc ædificium hexagona constans figura sex ostendit facies, quarum tribus adstructa sunt nbra tentoriorum instar fastigiata: reliquis verò tribus additæ ambulationes, quarum secund tignatio subdialium pauimentorum more extructa est, vt per eas in illa membra mutuis pateat transitus. Hæ ambulationes aream triquetram isopleuram ambiunt & continent, in cuius quolibet angulo collocatæ scalæ cuique ex ipsis membris tentoriorum more fastigiatis seruietes, tribusque ambulationibus & subdialibus pauimentis communes, vt ex ipsa perspicui potest ichnographia. Quodlibet autem ex iisdem membris triplici distinguitur contignatione, præter supremam habitationem, quæ tecti partibus infimis vt parietibus vtitur.

Prima autem habitatio domesticis ministeriis accommodata nouem pedibus attollitur sub trabes, aut fornicis verticem, si concamerata erit: id quod ferè fit, & valde commodum mihi videtur, tum ad vitandum famulitij strepitum, tum ad auertendum culinæ nidorem, fumidique vini halitum: quamuis huius ædificij dimensio solam contignationem complectatur.

Altera habitatio pedes tredecim, tertia verò duodecim, sub trabes attollitur: suprema denique pedum vndecim ad suum lacunar altitudinem habet.

Porrò quælibet habitatio instructa est tricliniis, cubiculis, vestiariis, latrinis, & conclauibus, quibus accedunt hypocausta, aliæque ad habitationis commoditatem pertinētia. Singulus autem ipsis membris suis est cellæ vinarie fornix orgyiarum octo & semissis longitudinem, trium autem & semissis latitudinem habens: suæ quoque latrinæ, cum decem aut vndecim infumibulis.

Totius autem ædificij, cuius fundamenta orgyiam vnā depressa latent, dimensio ter mille & septuaginta est orgyiarum.

IIMLXX.OI.

XXIX.

Totum ædificium particularibus quatuor ædificiis, atque media inter hæc area constat, adstructis ad singulos ædificij angulos membris tentoriorum more fastigiatis: inter quæ extrinsecus describitur ambulatio particularibus ædificiis coniuncta, & in subdialis pauimenti morem tecta, vnde in hortos prata & agros prospectus patet. Totius autem ædificij facies quælibet orgyiarum est viginti, area verò in omnem partem orgyiarum sex.

Prima habitatio pedibus quatuordecim sub trabes elata duobus tricliniis distinguitur, itionibus duabus, quæ ad cubacula ducunt in ipsis membris tentoriorum more fastigiatis constituta, quibus accedunt vestiaria quatuor, conclauia duo, cum culinâ, & cellâ penariâ.

Secunda habitatio pedes tredecim inter vtramque contignationem alta, duo continet triclinia, itionésque duas, vt in habitatione prima, cubacula quatuor, vestiaria totidem, cōclauia duo. Quod si fenestrarum situm in hac habitatione ita mutare velis, vt tres ipsarum decusses siue cruces paribus distantes interuallis constituas, quemadmodum secunda docet ichnographia: inter duo vestiaria, duo relinquentur loca, quorum alterum cellæ oratoriæ, alterum hypocausto attribuas.

Tertia habitatio, quæ infimis tecti partibus vt parietibus vtitur, pedibus vndecim sub suum lacunar attollitur, inferiori nihil dissimilis habitationi, nisi quod supra triclinia operæpretium fuerit tum cubacula, tum vestiaria constituere, intergerinorum scilicet parietum adminiculo.

Porrò duæ sunt in hoc ædificio rectæ itionis scalæ, per quas in hortos exitus datur. Ipsius verò substructio, connumeratis duabus latrinarum fossis, infumibulis triginta, cellisque vinaris, orgyiarum est ter mille & centum.

IIMC.org.

XXX.

Parallelogramma est huius ædificij figura, cuius longitudo orgyiarum est triginta trium, latitudo verò in fronte orgyiarum duodecim semis. Totum autem ædificium particularibus continetur ædificiis duobus, quorum altitudo ab imis fundamentis ad summos parietes orgyiarum est octo.

Inter hæc particularia duo ædificia itio secundum longitudinem protenditur media, per cuius extrema

ma patent in ædificium aditus, adiunctis ad singulos duobus fenestrarum decussibus, per quæ luminationem infunduntur. Huius autem itionis duæ sunt contignationes, quarum summa paucit subdialis more tegitur: in inferioris autem medio, duo posita sunt ostia, duæque rectæ itionis ad utrumque particulare ædificium pertinentes, quorum alterum in utroque sui extremo alias tenet scalas. Ipsæ verò rectæ itionis scalæ ædificiorum altitudinem orgyis duabus superant, & tentoriorum modo fastigiantur.

Vtriusque autem ex particularibus ædificiis habitationes singulæ distinguuntur culinæ, cubiculis, conclauiibus, vestiariis, aliisque locis habitationi idoneis: in quibus octo & viginti caminorum numerus colligitur: ita ut tota substructio, connumeratis cellis vinariis, orgyiarum sit ter mille centum quadraginta.

I I I M C X L . org.

XXXI.

A Edificium hoc particularibus quatuor continetur ædificiis tentoriorum modo tectis, decussata inter illa itione, cuius duæ contignationes subdialis paucimenti ratione in super strata, quæque in quolibet sui extremo ingressum præbeat. Cuiusque autem ingressus loco duo sunt in secunda contignatione fenestrarum decusses, quibus lumina excipiantur. Singula verò ex iis particularibus quatuor ædificiis eidem itioni coniuncta tribus attolluntur contignationibus, quibus suprema incumbit habitatio, cui infimæ tecti partes in parietum vicem subeant. In ædificij frôte latitudo orgyiarum est sex & triginta, profunditas verò tredecim, connumeratâ scilicet itione media: altitudo denique orgyiarum nouem, à soli nimirum superficie in altum orgyiarum septem semis, relictis in fundamentum nouem pedibus.

Prima cuiusque ex particularibus ædificiis habitatio famularibus attribuitur ministeriis: superiores autem duæ, tricliniis, cubiculis, & vestiariis distinguuntur. Idem iudicium de suprema habitatione, quæ infimas tecti partes parietum loco accipit, nisi quod supra triclinium intergerinorum parietum adminiculo cubicula collocari poterunt.

Ædificij autem totius quadraginta tres sunt camini, duæ rectæ itionis scalæ, & vnæ cochlides, cella vinaria orgyias duodecim & semissem longa: substructio autem orgyiarum est ter mille centum octoginta.

I I I M C L X X X . org.

XXXII.

H Oc ædificium præcipuis tribus describitur membris tentoriorum more fastigiatis, quorum medium ab utroque reliquorum pari distat interuallo, cui dextra læuæque adiacet area, quam ambulatio intermedia ab altero extremorum membrorum ad medium ducta bifariam distinguit. Horum trium ædificij membrorum, quorum medium reliqua duo longitudine & profunditate decem pedibus & dimidio superat, latitudo (connumeratis arearum maceris) in fronte orgyiarum est octo & triginta, decem profunditas, altitudo denique ab imis fundamentis ad parietes summos orgyiarum nouem, ex quibus vna foundationi debetur.

Prima cuiusque membri habitatio pedibus quatuordecim sub trabes elata, quod nimirum plus lucis ipsi infundatur ambulationi, ex qua facilius per arcus ipsos in utramque aream pateat aspectus, familiaribus tantum ministeriis dicata est.

Secunda habitatio, pedes duodecim: tertia, vndecim utraque sub trabes attollitur: suprema verò, quæ tecti partes infimas parietum loco accipit, decem altitudinis pedes sub suum lacunar obtinet.

Prima medij ipsius membri habitatio triclinium famulare complectitur, conclaue, cubiculum, conclaue, & vestiarium, quibus accedunt rectæ itionis scalæ, circum quas relictus est communis quidam locus, per quem in anteriores areas datur ad reliqua duo ædificij membra transitus. In quorum membrorum altero continentur culina, cella penaria, cella vascularia, famulare triclinium, cella artonomica, & œconomica. Alterius verò membri dimidium quidem equi tribuitur, alterum verò dimidium cubiculis duobus in panificij & lixiuij vsum comparatis adscribitur. Porro prima hæc trium membrorum habitatio octo infumibula continet.

Secunda medij ipsius membri habitatio triclinio distinguitur, conclaui, cubiculo, vestiario, & conclaui altero, eadem scilicet, qua inferior, ratione. In secunda autem vtriusque reliquorum membrorum habitatione, singulis duo attribuuntur cubicula, conclauia duo, vestiaria duo, & latrinæ totidem: ita ut in singulis liberum præbeat vsum itio quædam media, quæ cubicula distinguit, quæma l-

modum ex ichnographia intelligi potest. Hæc autem trium eorundem membrorum habitatio decem infumibula continet.

Tertia habitatio paribus ac similibus describitur partibus, quibus inferior proxima.

Idem quoque iudicium de suprema omnium habitatione, quæ infimis tecti partibus petu loco utitur. Vtrique autem extremo ex præcipuis illis ædificij membris suæ quidem sunt scallæ, bi pertitum verò tectum, quò videlicet itio ipsa media subdialis pavimenti modo tecta maneat. Id quod ex scenographia intelligi licet.

Totius ædificij huius, adiunctâ tamen cellâ vinariâ, quæ sub triclinium medijs ex tribus membris effossa, orgyias septem longa, quatuor verò lata sit, substructio orgyiarum est ter mille ducentarum sexaginta.

I I I M C C L X . org.

XXXIII.

A Edificium hoc multis particularibus constat ædificiis duas areas obsepientibus, quarum prior orgyias nouemdecim in latitudinem, decem verò in profunditatem patet. Ad huius latera extructa sunt parua duo ædificia equili destinata, positâ insuper horreis, relictaque ad vtriusque equilis extremum areola, quæ puteum contineat. Hæc ipsa area muro simplici siue maceriâ in fronte clauditur, cuius medium in edes aditum præbet.

Ad eiusdem anterioris areae posticum excitatum est amplius ædificium, ex quo in vtramque areâ prospectus patet. In hoc autem ædificio duæ sunt contignationes, collocatis insuper horreis, in quarum ima tres describuntur arcus ex area priore in posteriorem transitum præbentes: ad alterum autem ipsorum arcuum latus, famulare positum est triclinium, vnâ cum linteï epularis apotheca, coquina, cellaque penaria, adiunctis etiam scallis: alterum verò latus cubiculo attribuitur, vestiario, cellæ pistoriæ & furnariæ, adiunctis itidem scallis, vnâ cum oratoria cella.

Superior contignatio distinguitur cubiculis, vestiariis, & conclaibus, quibus superstant horrea.

Eadem area posterior viginti quinque orgyiarum latitudinem habet, profunditatem verò tredecim: cui ad dextram læuamque positæ sunt ambulationes, quæ in ima quidem contignatione quadratis postibus pateant, in superioribus autem per fenestras lumina excipiant: ita tamen vt in suprema ambulatione tecti partes infimæ in parietum vicem subeant. Cæterum per has ambulationes ex hoc in illud ædificium mutuus datur transitus.

In postico huius areae posterioris excitatum est ingens ædificium, cuius multa sunt membra: Nam facies ea, quæ ad aream pertinet, quatuor decoratur membris tentoriorum more fastigiatis, quorum angularia duo rectorum scalarum vsum prebent: sed in eiusdem ædificij postico ad vtrumque ipsius extremum positum est membrum tentorij modo fastigiatum, cuius tres sunt habitationes, quarum singulæ triclinium continent, cui adiunguntur cubiculum, conclaue, & vestiarius in eodem ampliori sita ædificio, quod ad duas tantum habitationes assurgit, præter summam, quæ infimas tecti partes parietum loco accipit.

Cæterum in commodiorem ipsorum tricliniorum vsum itio quædam à scallis ad scalas interius ducitur, ex qua in aream datur aspectus.

Totius ædificij viginti octo sunt camini, duæ recte itionis scallæ, & aliæ cochlides totidem, duo putei, duæ latrinarum fossæ, quibus accedunt cellæ vinariæ: substructio autem, orgyiarum ter mille decem & trecentarum.

I I I M C C C X . org.

XXXIII.

A Edificiū hoc figura est parallelogramma, particularibus quatuor ædificiis constans, areisque duabus, quarum prior latitudinem habet orgyiarum nouemdecim semis, profunditatē verò orgyiarum duodecim semis. Hæc tum in fronte tum ad latera parietibus obsepta est. Ad vtrumque parietis in fronte excitati extremum posita sunt singula ædificij membra ad duas contignationes assurgentia, tectoque rotundo siue spherico insuper fastigiata, quorum latitudo profunditati equalis orgyiarum est trium semis. Vtraque verò contignatio cubiculo, vestiario, atque scallis instructa est.

Hanc ipsam aream in postico claudit vnum ex particularibus quatuor ædificiis, quæ ambulatio est parietibus vtrinque arcuatis instituta, per quos in vtramque aream aspectus datur: ita vt prima contignatio

io pedes quindecim sub fornicem attollatur, superior verò pedum quatuordecim altitudinem habes habeat, ambulationisq[ue] fenestratæ vsum præbeat, collocata in super itione, cui infimæ tecti artes pro parietibus erunt.

Altera arca orgyias quindecim in omnes partes habet, quam in fronte claudit ambulatio prædicta, postico autem altera ambulatio arcuatis quoque parietibus, iisque in arca patentibus obsepta, paucum aduersa ambulatione altitudinis, sed tecto subtenso, & subdialis pauimenti vsum præbente.

Ceterum ad ipsius arcae dextram laeuamque duo sunt ædificia reliqua in vtroque sui extremo membrum habentia tentorij more fastigiatum, quod vtriusque ædificij altitudinem vna contignatione vincit. Hæc autem ædificia cum membris adiunctis in prima habitatione distinguuntur triclinio, cubiculis tribus, vestiariis totidem, conclauui vno, & latrinis duabus, quibus accedunt tum recte tum cochlides scalæ ad vtramque ipsorum ædificiorum partem in fronte & postico excitatæ. Nam alterum ex angularibus membris duobus in fronte positis, culinæ, & cellæ penariæ attribuetur: vt ipsa docet ichnographia.

Secunda duorum ipsorum ædificiorum dextra leuâque sitorum habitatio haud absimiles inferiori commoditates habet, mutuum ad ipsa ædificia transitum ambulatione vtraque concedente.

Tertia habitatio infimis tecti partibus vt parietibus vtitur, nec absimilem inferioribus descriptionem habet, præterquam in ipsis angularibus membris, vbi habitationis huius cubacula & vestiaria contignatione operiuntur, cui suprema incumbit habitatio, quæ infimis tecti partibus parietum loco vtitur.

Totius ædificij quinquaginta sunt infumibula, rectæ duæ scalæ, aliæ cochlides duæ, duæ cellæ viariæ: substructio autem orgyiarum ter mille quadringentarū & octoginta. I I I M C C C C L X X X . o r .

XXXV.

A Edificium hoc figura est rotunda, cuius diameter orgyiarum est octodecim. In ipsius autem centro quadrata est area sex orgyias in longum latumque patens, ita vt ad quemlibet ipsius angulum singulæ positæ sint cochlides scalæ, in vsum totius ædificij comparatæ, quod quadratam aream rotundo ambitu cingit, & tribus attollitur contignationibus, quarum ima quatuor constat ambulationibus in decussem siue crucem compositis, earumque singulæ triplici distinguuntur itione, quarum media reliquis duabus sit latior. Inter has verò ambulationes loca quatuor relictæ sunt trigona, quæ in eadem contignatione ima cubiculis, vestiariis, & conclauibus distinguuntur.

Superior contignatio quatuor habet triclinia supra ambulationes ipsas collocata, adiunctis cubiculis, conclauibus, & vestiariis, quæ ab inferioribus trigona spatia occupantibus nihil discrepant. Ipsa verò spatia in hac eadem contignatione pauimentorum subdialium more tecta manent.

Tertia habitatio, quæ tricliniis & ambulationibus incumbit, cubiculis, conclauibus, & vestiariis distinguitur, positâ in super habitatione summâ, cui infimæ tecti partes in parietum vicem subeunt, & pari describitur vsus ratione.

Hic verò notandum est à quatuor ipsis cochlidibus scalis vna contignatione superari particulare quatuor ædificiorum altitudinem.

Porrò autem rotundum totius ædificij ambitum rotunda cingit arca orgyias quinque semis in latitudinem patens, circum quam vndique fossa ducitur orgyiarum trium semis latitudinem habens, vtrinque muro ad tres pedes assurgente cincta. In eadem fossa quatuor constituta sunt ædificia ex diametro secundum ambulationum decussem aduersa, tentoriorum more fastigiata, & ad duas contignationes assurgentia: quorum vnum in rotundam aream ingressum præbet, alterum equili attribuitur, reliqua duo famularibus ministeriis accommodantur.

Aduertendum est autem ichnographiam ipsam partim ad primam contignationem, partim verò ad superiorem referri, quemadmodum ipsæ loquuntur literæ circum ichnographiam descriptæ.

Totius ædificij quinquaginta sunt infumibula: substructio autem orgyiarum est ter mille octingentarum. I I I M D C C C . o r g .

XXXVI.

Huius ædificij descriptio absoluta constat figura quadrata, ita vt in quouis ipsius angulo rotunda constituatur turris: in eius autem quadrati medio quadratū quoque extruatur mēbrum tentorij

more fastigiatum, ad singula cuius latera particulare decussatum siue in crucem adstruatur ædificium vnde quatuor arearum sequatur distinctio, quæ ambulationibus cohæreant: quarum quidem ambulationum interiores arcuati parietes circum ædificium ducuntur, cuius facies singulæ orgyiarum octo & viginti longitudinem habent, adiunctis nimirum turribus, quarum hinc & illinc proiectura duas in ambitum orgyias sibi vendicat, altitudinem verò orgyiarum nouem, ex quibus septem solum à soli superficie ad parietes summos debentur, reliquum vero fundamētis attribuitur. Cuiuslibet autem areæ latus quodvis septem est orgyiarum pedumque duorum, demptis medijs ipsius ædificij quatuor angulis, quorum singuli pedes decem in suam excurrunt aream.

Medium ædificium tentorij more fastigiatum triclinij vsum præbet cui in areas omnes patet aspectus, habetque longitudinem in omnes partes orgyiarum octo, in eiusque medio excitatum est figura quadrata infumibulum apertis arcubus quatuor innixum.

Huic medio quæ ad latera sunt quatuor ædificia duplicibus in prima contignatione arcubus extructa sunt, ab ipso medio ædificio ad alias ambulationes ædificium totum ambiens continuatis: ex quibus, si cui videbitur, patere poterunt extra ædificium exitus.

Superior horum quatuor ædificij membrorum habitatio cubiculis, conclauiibus, & vestiariis distinguitur, adscriptis suis cuique membro scalis.

Porro autem ad imam turrium habitationem per ipsas ambulationes datur aditus, ad superiorem verò per subdiale pauimentum.

Tertia eorundem quatuor membrorum habitatio ita (si videbitur) comparari poterit, vt infimæ tecti partes in parietum locum cedant: aut, si malis, ad turrium altitudinem assurgat, ad quas vt detur transitus, media quædam itio relinquenda erit.

Totius autem ædificij triginta quinque sunt infumibula, quibus accedit cella vinaria pro triclinij amplitudine sub ipsum effossa: substructio autem orgyiarum ter mille & nongentarum. I I I M I X C. OR.

XXXVII.

A Edificium hoc figura est quadrata, mediâ continens aream, circum quâ quatuor sunt ambulationes arcuatis parietibus ex vtraque parte patentibus institutæ, subdialisque pauimenti in morem tecti. Ad quemlibet autem ipsius areæ angulum singula extructa sunt quadrata ædificij membra, quæ rectæ itionis scalas complectantur, adiunctis extrinsecus ad vtrumque eorundem singulorum membrorum latus aliis quoque membris tentoriorum more fastigiatis.

Horum quatuor particularium ædificiorum quodlibet ad duas assurgit contignationes: tametsi intermedium illud membrum, quod rectarum scalarum vsum adfert, tres habeat contignationes, excitata in super turricula sphaerico tecto operata, quam subdiale ambit pauimentum.

Prima habitatio pedes sedecim alta, in vno quidem quatuor ædificiorum equili attribuitur, in altero autem famularibus ministeriis adscribitur: in reliquis duobus, tricliniis, cubiculis, vestiariis, & cæteris id genus distinguitur.

Secunda habitatio pedibus tredecim sub trabes elata pari ratione tricliniis, cubiculis, vestiariis, & conclauiibus describitur.

Suprema habitatio infimas tecti partes parietum loco accipit, vbi (si videbitur) supra quodque triclinium cubacula constituentur intergerinorum scilicet parietum adminiculo.

Totius autem ædificij triginta tria sunt infumibula, scalæ rectæ quatuor, cum vinariis cellis: substructio verò orgyiarum est quater mille quadringentarum & septuaginta. I I I M C C C L X X. ORG.

XXXVIII.

H Oc ædificium figura est quadrata, septem particularibus constans ædificiis, quorum vnum in fronte, alterum ad leuam, tria in postico tentoriorum more fastigiata, ac ponè ipsa duo alia, omnia inter se coniuncta. Porro singula totius ædificij latera duas & triginta orgyias in longitudinem patent, non connumeratis duabus scalis, quarum latitudo septem est pedum, dempto præterea eiusdem ædificij sphaeristerio.

Ædificium in fronte excitatum tribus decoratur membris tentoriorum more fastigiatis, quorum medium in ipsas ædes aditum patefacit, reliqua duo in extremis sunt posita. Huius autem particularis ædificij altitudo nouem est orgyiarum, quarum septem cum pede vno sunt à soli superficie in altum, reliqua

uiata et acta sunt ædificia, eorum singula ambulatione extrinsecus decorantur in pauimenti
alis vsum tecta.

eràm totius ædificij latitudo in fronte orgyiarum est septem & quadraginta, profunditas ve-
rò orgyiarum triginta trium, adiuncta nimirū exteriorē vtraque ambulatione. In ipsius autem ædi-
ficio medio area est orgyias sex & viginti lata, octodecim verò profunda, cui dextra læuāque adstru-
unt ambulationes in subdialis pauimenti vsum tectæ, quarum descriptio à superioribus nihil
differt, ita vt omnium altitudo pedum sit quindecim.

Prima habitatio in fronte æconomicis ministeriis attribuitur: tres verò reliquæ tricliniis distin-
guuntur, cubiculis, conclaibus, vestiariis, hypocaustis, aliisque partibus necessariis.

Superior habitatio pedibus tredecim sub trabes elata paribus similibusque describitur tricliniis,
cubiculis, vestiariis, conclaibus, aliisque necessariis partibus.

Suprema quatuor particulariū ædificiorum habitatio tecti partes infimas parietū loco accipit, ita
vt omnium eadem sit altitudo, præterquàm membrorum tentorij more fastigiatorum, & scalarum
rectarum, quæ particularium quatuor ædificiorum altitudinem vna contignatione superant. Præ-
terea sub ædificium in fronte excitatum pro modo longitudinis eius effossæ sunt cellæ vinariæ: to-
tiusque ædificij sexaginta sunt camini, rectæ scalæ quatuor, cochlides tres: substructio autem orgyia-
rum septies mille decem & octingentarum.

V I I M D C C C X. org.

X XXIX

XLVXI

A Edificium hoc rhombi figura extructum particularibus quatuor constat ædificiis, posita in me-
dio area: quorum singula ad duas assurgunt habitationes, præter supremam, quæ infimis tecti
partibus pro parietibus vitur.

Prima habitatio duplicibus tribuitur ambulationibus: secunda verò, cum suprema, distinguitur
tricliniis, cubiculis, vestiariis, & conclaibus.

Porro ad singulos totius ædificij angulos adstructa sunt extrinsecus singula membra tentorio-
rum more fastigiata, tribus contignationibus elata: quorum primum, quæ scilicet datur in ædes in-
gressus, rectis duabus instructum est scalis: reliquorum autem trium singula singulas habent scalas,
vnde in aream patet aspectus.

Ex his quatuor membris vnus prima habitatio famularibus ministeriis attribuetur: superiores ve-
rò, quemadmodum & quælibet reliquorum trium membrorum habitationes, tricliniis, cubiculis,
vestiariis, & conclaibus adscribentur.

Cæterum totius ædificij sexaginta sunt camini, quibus accedunt vinariæ cellæ, ita vt vniuersa sub-
structio orgyiarum sit octies mille & viginti.

V I I I M X X. org.

X L .

XLIX

A Edificium hoc decagona extructum est figura, mediam obsepiens aream, cuius diameter est or-
gyiarum septemdecim. Huius autem ædificij ima contignatio arcuatis continetur parietibus, su-
perior per fenestrarum decusses lumina capit, suprema verò subdialis pauimenti ratione elaboratur.

Porro ad quinque ipsius decagoni latera extrinsecus adstructa sunt membra quinque tentorio-
rum more fastigiata: quorum singula tribus distinguuntur habitationibus præter supremam, cui
infimæ tecti partes in parietum vicem subeunt, continentque triclinium, cubiculum, conclaue, vestia-
rium, & latrinas, adiunctis cochlidibus scalis, nouemque caminis, ita vt omnium simul quinque æ-
dificiorum sint quadraginta quinque camini.

Prima area in ædificij ipsius fronte sita orgyias viginti in quadratum patet, quam dextra læuāque
partim obsepiunt ædificia duo in gnomonem orthogonium composita, & ad vnicam contigna-
tionem elata, quarum altera equili tribuitur, altera æconomicis ministeriis, coquinæ nimirum, cellæ
penariæ, furno, & cellæ pistoriæ conceditur, quibus accedit & alia cella lixiuio destinata. Supra hanc
contignationem collocata sunt horrea, effossis sub altero horum particularium ædificiorum cellis
vinariis. Inter hæc autem ædificia in ædes patet aditus, vt ex ipsa perspici potest orthographia.

Hic verò notandum est totius ædificij descriptionem foliis duobus contineri, quorum alterum
ichnographiam, alterum verò orthographiam exhibet, vbi coëgit me spatij angustia orgyiam in fa-
cie laterali contractiorem, quàm in fronte & postico efficere.

A Edificium hoc figura est quadrata, cuius singula latera tres & quadraginta orgyias in longi-
nem patent, adiuncta nimirum quatuor angularium membrorum proiectura, quæ quidem &
amplitudine, & proiectura, & altitudine ab aliis vincuntur membris, quæ in cuiusque lateris medio
excitata sunt.

Areæ in omnes partes longitudo orgyiarum est sex & viginti, circum quam inter ipsa totius ædi-
ficij membra ad dextram quidem interiectæ sunt ambulationes quatuor in orthogonij gnomonis
formam compositæ, & arcuatis parietibus inferiùs septæ: ita ut superior contignatio infimis tecti
partibus parietum vice utatur. Ad laeuam autem sunt & aliæ ambulationes quatuor parietibus fene-
stratis cinctæ, quæ itionum vsum præbeant.

Ex ipsis autem totius ædificij membris alia rectas, alia verò cochlides habent scalas: ut habitandi
commoditates taceam, quas ipsa præ se fert ichnographia.

Totius autem ædificij substructio, connumeratis cellis vinariis, orgyiarum est nonies mille de-
cem & centum.

IXMCCX.org.


FINIS.

E typographia Benedicti Præuotij, ad clausum
Brunellum, via Frementella, sub stella aurea,


1559.

Aedificijichonographias


LXVIII



SECUNDA ICHNOGRAPHIA SECUNDÆ CONTIGNATIONIS



PRIMA ICHNOGRAPHIA PRIMÆ CONTIGNATIONIS



ICHNOGRAPHIA CELLÆ VINARIÆ




FACIÉS ANTERIOR IN VIAM SPECTANS
LITERA NOTATA B



FACIES POSTERIOR IN AREAM SPECTANS
NOTATA LITERA BB


II




FACIES POSTERIOR





FACIES ANTERIOR




ICHNOGRAPHIA




FACIES POSTERIOR


FACIES ANTERIOR AEDIVM QVA
PATET ADITVSICHTNOGRAPHIA AEDIFICII SVPERIVS
EXCITATI



FACIES POSTERIOR




FACIES ANTERIOR




ICHNOGRAPHIA


V



FACIES POSTERIOR



FACIES ANTERIOR




ICHTNOGRAPHIA



FACIES POSTERIOR AD HORTVM SPECTANS



FACIES ANTERIOR IN AREAM SPECTANS




IHCNOGRAPHIA



FACIES POSTERIOR




FACIES ANTERIOR



ICHTNOGRAPHIA



FACIES POSTERIOR



FACIES INTERIOR IN AREAM DOMINI SPECTANS







FACIES POSTERIOR AD HORTVM SPECTANS




FACIES ANTERIOR IN AREAM SPECTANS




IHCNOGRAPHIA




FACIES ANTERIOR








ORTHOGRAFIA
FACIEI POSTERIORIS NOTATA LITERA B




TERTIA ICHNOGRAPHIA TERTIÆ CONTIGNATIONIS



PERTICA PEDVM 18


SECUNDA ICHNOGRAPHIA SECONDÆ CONTIGNATIONIS




PRIMA ICHNOGRAPHIA PRIMÆ CONTIGNATIONIS



ORTHOGRAPHIA AEDIFICII ANTERIORIS




ICHNOGRAPHIA
CONTIGNATIONIS




ICHNOGRAPHIA
CONTIGNATIONIS

PRIMA
PRIMÆ


XIII




FACIES INTERIOR IN AREAM SPECTANS LITERA NOTATA M



FACIES ANTERIOR ADIVM QVA PATET ADITVS LITERA NOTATA N



ICHNOGRAPHIA LITERA NOTATA N




ORTHOGRAPHIA



ICHNOGRAPHIA

XV



ICHTNOGRAPHIA






FACIES POSTERIOR AD HORTVM SPECTANS
LITERA NOTATA O




ADITVS



XVI


ORTOGRAPHIA

FACIES ANTERIOR QVA
PATET ADITVS



PRIMA ICHNOGRAPHIA

PRIME CONTIGNATIONIS




INTERIOR


INTERIOR



SECONDA ICHNOGRAPHIA

SECONDA CONTIGNATIONIS






XVII



FACIES POSTERIOR AD HORTVM SPECTANS

LITERA NOTATA A



FACIES INTERIOR IN AREAM SPECTANS

LITERA NOTATA B




FACIES LATERIS IN AREAM SPECTANS

NOTATA LITERA C





FACIES ANTERIOR AEDIVM QVA PATET ADITVS

NOTATA LITERA D



FACIES ANTERIOR QVA
PATET ADITVS






FACIES POSTERIOR




PARS INTERIOR







HIC OCVLIS SVBICITVR EX ALTO IN FRONTM DESPICIENTIBVS
TOTVM



ICHTNOGRAPHIA




ORTHOGRAPHIA
FACIES ANTERIOR




ICHTHOGRAPHIA ADIFITII

SVPERIVS EXCITATI



FACIES POSTERIOR AD HORTVM SPECTANS

LITERA NOTATA S



FACIES LATERIS IN AREAM SPECTANS

LITERA NOTATA R




FACIES INTERIOR IN AREAM SPECTANS


LITERA NOTATA Q






SCENOGRAPHIA



ORTOGRAPHIA





XXIII




FACIES POSTERIOR AD HORTVM SPECTANS




QVATVOR FACIES QVÆ IN AREAM SPECTANT



FACIES ANTERIOR




IHCNOGRAPHIA



XXV




FACIES ANTERIOR ADIVM QVA PATET ADITVS .G



ICHNOGRAPHIA
ADITVS IN PARS
EXCITATI


XXV




HIC OCVLIS SVBIICTVR EX
ALTO IN LATVS DESPICI
ENTIBVS TOTVM
ÆDIFICIVM

DELINEATIO ICHNOGRAPHIÆ
AD OPTICAM ACCOMMODATA
EX QVA EXCITATVM EST
ÆDIFICIVM


PARS INTERIOR



XXVI



FACIES ANTERIOR ÆDIVM QVA PATET ADITVS






FACIES LATERIS IN AREAM SPECTANS NOTATA LITERA T



FACIES INTERIOR IN AREAM SPECTANS NOTATA LITERA S



FACIES LATERIS NOTATA LITERA R





FACIES POSTERIOR

NOTATA LITERA I



FACIES LATERIS

NOTATA LITERA Y



FACIES ANTERIOR AEDIVM QVA PATET ADITVS

NOTATA LITERA N




ORTOGRAPHIA



ICHNOGRAPHIA




FACIES INTERIOR




SECONDA ICHNOGRAPHIA SECONDA
CONTIGNATIONIS

XXX





ORTOGRAPHIA

SECONDA ICHNOGRAPHIA
SECONDE CONTIGNATIONIS



PRIMA ICHNOGRAPHIA
PRIME CONTIGNATIONIS







SCENOGRAPHIA



ORTOGRAPHIA




SECUNDA ICHNOGRAPHIA SECUNDE CONTIGNATIONIS




PRIMA ICHNOGRAPHIA PRIME CONTIGNATIONIS

XXXII

SCENOGRAPHIA




ORTOGRAPHIA



SECONDA ICHNOGRAPHIA

SECONDE CONTIGNATIONIS




PRIMA ICHNOGRAPHIA

PRIME CONTIGNATIONIS

XXXIII




FACIES ANTERIOR QVA PATET ADITVS.




PRINCIPIS AREA.





PRIMA AREA IN FAMVLITII
VSVM COMPARATA







HIC OCVLIS SVBLICITVR EX ALTO IN FRONTEM DESPIQVIENTIBVS TOTVM ADIFICIVM.








XXXIII




FACIES POSTERIOR



FACIES INTERIOR IN AREAM
COMMUNEN SPECTANS



FACIES ANTERIOR QVA PATET ADITVS



FACIES LATERIS

manuscript of facies






PARS

INTERIOR




ORTHOGRAPHIA




ICHNOGRAPHIA AEDIFICII

SVPERIVS EXCITATI




ORTOGRAPHIA



XXXVII




FACIES



ICHTNOGRAPHIA





FACIES ANTERIOR ADIVM QVA PATET ADITVS NOTATA LITERA O





FACIES INTERIOR IN AREAM SPECTANS NOTATA LITERA P






FACIES LATERIS IN AREAM SPECTANS LITERA NOTATA Y




XXVIII





FACIES ANTERIOR AEDIVM QVA PATET ADITVS •





HIC OCULIS SVBICITVR EX ALTO IN FRONTEM
DESPICIENTIBVS TOTVM AEDIFICIVM.






SCENOGRAPHIA



ORTHOGRAPHIA




ICHTNOGRAPHIA

XL




ORTOGRAPHIA



ICHTHOGRAPHIA




FACIES ANTERIOR AEDIVM QVA PATET ADITVS R



XLII




SCENOGRAPHIA



SECONDA ICHNOGRAPHIA

SECONDA CONTIGNATIONIS




PRIMA ICHNOGRAPHIA

PRIMA CONTIGNATIONIS



XLIII.

FACIES




PRIMA ICHNOGRAPHIA

PRIME CONTIGNATIONIS




PARS INTERIOR






FACIES ANTERIOR AEDIVM QVA
PATET ADITVS • NOTATA LITERA Q




Q
ICHTNOGRAPHIA AEDIFICII
SVPERIVS EXCITATI •




ORTOGRAPHIA

SECONDA ICHNO
GRAPHIA SECONDE
CONTIGNATIONISPRIMA ICHNOGRA
PHIA PRIME
CONTIGNATIONIS




XLV


FACIES INTERIOR




HIC OCVLIS SVBICITVR EX ALTO
IN LATVS DESPICIENTIBVS
TOTVM ADIFICIVM



DELINEATIO ICHNOGRAPHIÆ
AD OPTICAM ACCOMMODATA
EX QVA EXCITATVM EST ADIFICIVM



XLVI



ICHNOGRAPHIA


XLVI



FACIES LATERIS EXTRA SPECTANS



FACIES LATERIS IN AREAM SPECTANS




PERTICA DECURTATA EST IN DVOBVS
 AEDIFICIIS VTRIVSQUE LATERIS PROP
 TER LAMINÆ ANGVSTIAM IDEM
 TAMEN METIENDI MODVS

SCENOGRAPHIA



ORTHOGRAPHIA

XLVII




FACIES INTERIOR IN AREAM SPECTANS C




FACIES LATERIS EXTRA SPECTANS B




FACIES ANTERIOR AEDIVM QVA PATET ADITVS NOTATA LITERA A




ICHNOGRAPHIA







XIX



FACIES INTERIOR




FACIES ANTERIOR AEDIVM QVA PATET ADITVS



FACIES LATERIS



ORTOGRAPHIA



SECONDA ICHNOGRAPHIA
SECONDÆ CONTIGNATIONIS

PRIMA IC
PRIMÆ C

RARE
FOLD 85-B
16/31

